



木犀集卷之十七

七言律二

乙酉元日

聞說春王慎履端屠蘇酒趁五更寒
雪深昨歲蝗蝻絕晴向元朝兒女歡
不信柳條青尚嫩却看梅蕊落初殘
故園風物應如許徙倚江頭行路難

贈宗開先中翰

紫微省下掌千官盡道中興制作繁
一代鴻文毛是鳳九重溫詔紙回鸞
已陳藥石分鍾乳更却金錢賜漆槃
愧我曝暄還識字可堪謀野到儒冠



贈秦汝翼工部

朱雀門前傳鳳羽
玄熊署裡坐烏皮
官居水部詩仍好
名著山陽事亦奇
相國治宮元壯麗
小臣入閣敢棲遲
祇今建武朝元日
可許論功及度支

贈黃無技司理應 內召

穎川清望畏人知
十載盤匱憶昔時
殿上擊蛇真作李
亭前種玉不如葵
東山漸著呼兒屐
南海仍傳退寇詩
早晚便成名諫議
未須慷慨問狐狸

清明同瞻文子父子詒象山登雨花臺

清明烟火積層陰
暗動長干遊子心
古衲雨花惟茂草
先

皇風木有禪林

臺畔有報恩寺

春當地肺嘗時見
人入天臺何處

尋不有酒家澆壘塊
嗣宗痛哭恐難禁

贈女郎喬玉青

十五雙鬟壓翠翹
白團扇借画眉描
已聞樓上人如玉
况在江東姓是喬
蝶粉莫霑司馬淚
龍綃剛勝小蠻腰
最憐珍重爲歡別
朱雀橋邊隻手招

河鮓

二月河鮓已薦新
千錢買得不辭貧
烹來肥膩無粗骨
摘去皮涎少細鱗
俊味却教偏適口
毒腸只恐易傷人
平生嗜芰畱遺恨
爲爾停餐泪滿巾

先君子曾以食河鮓懷疑致有嘔吐之疾

贈譚元孩儀部

中興百六事偏間日角珠庭傍赭顏經辨異同成五註儀
分大小肅千班開箱依舊圖嘗獻移石于今印未刊莫道
冰廳清更苦南宮昨日卜東山

青樓夜集

秦樓夜月碧空澄携得雙鬟乞紫綾趙姊臨風吹欲去楊
妃帶酒醉難勝人來韋曲花爭放詩到旗亭價始增念我
小喬還善病歸鞭不待玉蓮燈

早朝爲余大微中翰賦

漢家雲氣隱罍恩輦路雞籌向曉開旭日初臨成五色殘

星未落卜三台轆轤聲靜鶯方囀棖桷風生鳳欲迴誰道
馬周猶不見紫微省下識仙才

贈女郎王未妍

江東醺醖醉蘭房帳煖流蘇玳瑁牀爐熱白洋浮寶篆釵
橫黑暗壓新粧已知月下牽繩久何用花前擲果忙從此
琵琶爲漢語蛾眉依舊入昭陽

贈女郎時方蒨

小字壽娘

春鎖歲蕤喚不開烏啼春樹夢初迴驚看馬上沾衣雪笑
進簷前點額梅拂帳金蕪迷画閣隔簾銀蒜護琴臺如今
只合稱孫壽莫有啼粧鏡裡來

孫仲衍所狎妓

送方子畱遊越

日落鍾山古樹林橋邊揮手各霑襟祇緣風雨牽懷久不
比河梁託恨深期爾早成嚴子釣知予豈辱戴逵琴聞鷄
况有中宵約白水清清見此心

紀事詩

詔發龍旂趣暮砧石城夜半馬駸駸銅駝淚落邊烽入玉
燕風微王氣沈化及幸無搜月觀令言爭欲問瓊林傷心
輦路淋鈴雨回首驪山不可尋

雨灑清塵五月寒朱纓玉節護征鞍君王有夢江都好將
士無家蜀道難不信菜根能作餉可堪瓜果亦爲官莫愁

湖接慈湖水急與王元借一丸

鍾山葱鬱氣佳哉行樂那須羯鼓催軟玉屑霑承露柱明
珠光築避風臺赤繩無復垂簪井錦襪終當葬馬嵬日暮
六軍俱慘淡大官曾進紫霞盃

杜鵑啼罷鴈無書舉目河山恨有餘辟暑宮中虞不臘延
秋門外晉爲墟荔枝不必催邊騎竹葉依然插帝居一自
翠華輕駐輦何人肯食武昌魚

華林樂事諱聞兵相酌君觴誦太平蟋蟀豈堪克國事蝦
蟆何故爲官鳴金錢買笑難將去粉黛承恩不送行辛苦
高皇弓劍地一年歌舞失南京

丞相登堂調蜀營黃麻晚發報親征如何王黼奔金計猶
作裴公伐蔡名武庫劍旄克鹵簿良家子弟隸官兵紛紛
鐵騎爭門出盡輦胡椒向越行

日出冰山逐曉風烏衣巷廢昔年宮江干有劍追黃鵠驛
路何人斬國忠滿口荷荷虛佞佛舉頭咄咄枉書空可憐
父子誇三豫今日方知兔窟窮

彗見霜飛帝座危猶聞司馬醉醱醱了翁得罪非君子處
仲同心亦可見手握兵符遷許日身披戎服渡江時朝來
風起塵汗面離黍搖搖爾爲誰

囚首掀鬚過市喧風流宰相未從奔書成豈必心皆正醉
後方知目已昏又見白鳥棲左掖可牽黃犬上東門知君
遇主多庸福縱學瀛王不忍言

江南百六幾夷吾盡道中興選授殊白簡多情爲外府黃
金有路入中樞何人不笑堂前燕此日方悲屋上烏眼看
桃花隨逝水豈宜重復問玄都

日落烏栖鬼火新邗江風雨泣忠臣出師表獨思先帝正
氣歌能愧後人矢著賀蘭徒有恨鞭回僕固竟無親空堂
夜靜呼天語不見中台又幾旬

史閣部可法

人心本屬高皇帝臣節還聞太學生在古唯無慚漢壽
至今猶不忘崇禎身逢君相嗟何晚死爲綱常辨獨明試

向橋門瞻正氣已歸天上繫芳名

吳太學可箕

江氛遙接上游春赤壁功高拜虎臣獨指義旗唯裹革每
封諫草必批鱗但期奏捷除君側何意招降葬水濱回首
昔年長揖處幾番烽火泣新燐

黃靖南得功

雲移紫蓋鶴乘軒父老悲呼欲叩關五日無君推太尉三
軍有令奉平原已能獻地全民命何不捐軀報國恩縱使
萬人身可贖東陵名節在青門

趙忻城之龍

毳幕逶迤馬酪香邊笳吹徹入長楊獼猴且不污供奉鸚
鵡猶能憶上皇何用呼嵩徒執板却逢席地便稱觴北人
若問南朝事雜髮唯看李侍郎

野外旌旗擁可汗獨憐老眼望塵難逢人矍鑠矜騎馬伏
地偃僂盡免冠若過白溝纔不食縱畱青塚有誰看

有云
畱南

則仕歸北
則死者

祇今膜拜從新禮羞殺牙牌署漢官

御史彈章海內傳今朝馬首却誰先亦知獬豸當持法無
那狐狸欲乞憐喝道仍求蘇武節入朝爭著祖生鞭請看
凝碧池頭宴何物啣杯獻舞筵

駟介逍遙鐵鎖沈一朝羅拜豈初心可憐巾幗皆胡妾不
及樊籠有漢禽城下椎牛過市泣江邊飲馬畏龍吟莫教
萬石垂三搭更擁貔貅戍上林

伍濤水漲帶龍腥傳有雙鳩入北溟槎泛中流燒白石斗

橫半夜騁黃星蜃樓春夢俱成幻龜屋秋風摠不靈若過
甘棠休問訊恐無顏面嘆零丁

新亭祖帳晝飛沙使者賢勞未有家白鳳美新多墜閣碧
鷄喻蜀盡乘槎星臨何處張雷劍淚滴中宵沈祝筵祇恐
東京迎繡鬢還朝不及詠皇華

舊築招提誦法華何須重構梵王家移來異域青鴛種散
作長干白馬花座上皈依紅韎鞞筵前勅賜紫袈裟誰堪
跌坐唯長揖不用漁陽吏鼓撾

有客飄零病復貧夢回鄉國淚沾巾南陽故老猶思漢東
海先生豈帝秦願學陶詩書甲子忍教孔史絕庚申清琴

濁酒如無恙長作桃花洞裡人

積雨陰霾蝮螫垂帝城宮闕黯然悲十年牖下書無賴七
日庭前哭已遲到處只知王氏臘無人復憶漢官儀敷天
未改攀髯痛翹首虞淵有所思

次韻酬別吳子遠先生

谷口風烟憶子真兵戈搶攘問歸津論心嘯傲非今日執
手悲鳴各愴神得酒且須長縱飲將詩不必苦吟呻門前
五柳雖如舊五斗先生亦致身

先生有五柳先生是後身之句

戲贈姚楷人還家

登樓少婦盼京華忽聽枝頭噪暮鴉不信書生長作客果

然遊子亦還家青閨久佩宜男草綠沼新開並蒂花此夜
屋梁橫落月雙雙炤徹紫鮫紗

客心近亦憶烹雌拾得靡蕪有用時同事幾曾驚夜夢合
歡更復擬秋辭路經桑下挑休早人似蘆中渡獨遲楷人欲渡

無船

悔未畱君十日醉一爲牛女惜佳期

時六月二十七日也

予以病肺卧床兼患瘡疾幸寄食圯孺藥餌以時前
後共得四章用誌旅况末首專慰圯孺

秋盡悲來感物華那堪多病藥頻加不知痴味真如餽誤
信杯中酷似蛇阿士笑啼嘗作伴少游詩酒謾相誇祇愁
著述從今老欲簡殘篇託大家

苦被閒愁縛沈腰朝朝伏枕度清宵可憐謝石瘡誰砥竟

使相如渴不消割席久聞人共棄關門獨有病相邀遙思

白下登樓客塊壘能無借酒澆

時瞻文尚滯白門

簾外淒風拂被池暗催瘦骨染瘡痍非關神女山前唾不
爲參軍病裡詩埋我伯倫唯濁酒醜人叔子是庸醫朝來
起握星星髮行樂乘今未白時

看君擊筑淚頻揮似爲愁多續五噫免俗不妨懸犢鼻憂
時且自守牛衣敝廬風雨原貧賤華屋林丘孰是非縱不
同居惟一忍莫將公藝素心違

早行卽事

客心永夜計歸程微雨初過一夢驚月下馬蹄穿鴈影村
中人語雜鷄聲僕夫揚袂誇冬煖田父披蓑忌早晴遮莫
黑雲還密布今宵何處待天明

張德遠家有蠟梅詩以索之

海外名葩耐早寒辟疆春信到欄干壽陽妝就疑金額庾
嶺書來似蠟丸開謝獨能先赤素色香兼欲比沈檀已儲
碧玉瓶相待莫作尋常驛使看

夢與方摺公角文醒而書此

憶昔論文聚草堂瀟瀟風雨竚扶桑聞鷄空復憐予懶捫
蝨還當遜爾狂夢裡雌雄人一劍醒來離合淚千行文姬

若有還家日生子何妨左右王

摺公有文姬既嫁何必不生子之語

聞暄文已抵兗州復返建康應試

夢在南京舊草廬忽傳客櫂過淮徐靈光賦就名仍在梁
父吟成卧有餘梨棗一時稱樂土參苓何日憫閒居聞君
亦作揚雄賦祇恐雄文更不如

雪中喜方子晦馬孔璋陳季白齊維木然四過集得

寒字

堂前雀噪未晨餐遽有山陰握手歡蟻酒綠從杯底出鶴
裘白向雪中看更闌有燭堪乘興風靜無簾亦辟寒忽憶
舊人雙淚落

孔璋爲咏舊人唯有何戡在之句

渭城一曲和原難

除夜

南京久客幾經春
新作鄉園守歲人
窮有舟車那可送
詩無酒脯不堪陳
窻低雨破驚殘燭
爐冷風迴翳濕薪
回首一年家國恨
夜闌無淚亦傷神

元日

正月一日春滿城
當堦芳草未全生
晨烟黯黯隨風勢
野哭啾啾帶雨聲
縱有濁醪難更進
祇愁薄畝不能畊
中原強半猶長夜
翹首扶桑何處晴

去歲元朝瑞雪繁
他鄉柏葉泛清尊
當時已覺河山異
到此重悲日月昏
破榻臨風吹短髮
斑衣沾雨漬啼痕
普天銷甲如相待
但得餘生老灌園

宿暄文宅

城南小築亂離餘
借汝提壺挽鹿車
久客豈無家室願
乍歸兼可孝廉居
門當喧市盤餐便
院有高樓杯酒舒
却許排闥同枕被
陶然吾似卧吾廬

桃葉亭臺樅水船
何時文酒不留連
每期夜月同垂釣
偶向春風早著鞭
爲爾下車敦古道
令予入幕讀新篇
傍人錯認阿私好
未必彈冠便乞憐

暄文旣登賢書復諧花燭率爾志喜輒得六章

結綬歸來佩陸離
朱衣新綰赤繩絲
何期帖報泥金日
却

值香生繫錦時張敞爲官眷更好陳平得婦相原奇高樓
一曲梅花落笑爾尋春正不遲

堂前歌舞拍春盤共道瑯琊勝事實寬家世種槐兼種玉身
名乘月亦乘鸞卽看坦腹羲之易如此齊眷德耀難門戶
祇今須健婦天方授爾未曾闌

知君捧檄爲嚴親况結其褫樂事均彩筆凌雲朝向日紫
簫吹月夜生春敬弘車下烏羊晚宗閔門前玉笋新此日
巨源殊不賤笑看卿已作夫人

夜靜還房緯石蒲麗華爭似執金吾莫將柳汁驕椎布但
得瓊漿勝御厨九子墨雖投薦棘三條燭更炤流蘇人生
得志雖嘗有畢竟無如此樂殊

孟春風日正佳哉不向桃夭詠標梅暖入薜蘿初作夢香
分荳蔻尚含胎乘龍客自龍門出奠鴈人題鴈塔來祇恐
少君尋布髻王郎天壤轉疑猜

莫向人前說偶然東床東閣總奇緣闈中蘇軾期頻緩舟
上裴航事亦僊雲步一飛還踴躍紗窗雙語却纏綿誰教
僕御驪歌早又報瓊林二月天

寄方子詒

三年懷夢倍相思書記翩翩美爾奇借箸亦關鈴閣事投
壺勿忘草堂資元戎風度真千頃同學升沉又一時我亦

木犀集十七
歸田甘餓隱江天雲霧有誰知

丁亥元日

年來元日苦傷悲此日柴門事較宜老母已完婚嫁事山
妻初有寧馨兒貧無爆竹聽隣鼓倦酌屠蘇想舊詩况對
少游諸姪友不澆壘塊欲何爲

穀日

人日穀日俱晴淑應是皇天悔禍時柳葉娟娟舒秀色梅
花欵欵漾新枝謀生漸覺躬耕穩結客無如痛飲宜投轄
恰逢雙壁在早看新月到東籬

十六夜同友人小集卽事有感

風起孤城落鴈鳴可憐殘野輟春畊有司虛奉蠲荒詔父
老能無叩闕情衰俗豪華真似夢故人驩洽靜無聲爲嫌
昨夜笙歌鬧特遣梅花一笑迎

送方井公授經歷陽

滿天雨氣翳山城君向煙雲何處行祇爲驂駟衝道去肯
教鶻鳩過時鳴關西夫子經方授江左夷吾事未成此別
相期俱努力幾人猶是魯諸生

送送春郊棄柳條預愁分袂首重搔我焚筆硯心知少爾
向雲山日送勞日落馬嘶投草店月明人夢在江臯莫將
采石芳菲夜醉學狂生衣錦袍

對雪有懷井公

別後纔知別賦悲步檐無語獨歔歔迴風舞雪來何驟驅
馬乘舟願恐違旅店莫催中夜飯客囊多是暮春衣祇愁
老僕驪歌早更欲衝泥趁落暉

清明日述懷

忽報清明今日是初聞驚愕淚潜然瞻烏有恨心常在插
柳何情俗尚傳不死敢嗔王氏臘將暝猶憶漢宮烟黑雲
况復連城起縱值晴天亦可憐

宿陳季白齋頭

草堂舊有聞雞約念爾真無愧祖生他日天涯曾作夢今

宵風雨不勝情蹉跎混俗花前淚珍重傳經身後名爲問
從遊諸弟子幾人能學鄭康成

花朝村居卽事

積霧連村春可哀半生感慨此啣盃百年丘隴憑碑在一
路柴門傍水開海燕翩翩如有得野鷗泛泛實無猜農人
不妬花朝雨笑挾漁蓑荷鍤迴

戊子元日

浪跡人間三十年文章事業兩茫然祇因親老干微祿反
以才踈無薄緣方朔陸沉吾自喜原生貧病世相憐不知
萬歲千秋後靖節何如揚草玄

雨夜獨酌

春來未見一花紅况閉春城風雨中貪睡却嫌無好夢苦
吟又恐得奇窮獨憐畢卓甕嘗滿預擬陶潛秫必豐痛飲
一壺吾自足焉知戰伐有雌雄

寒食謁先塋遇雨歸登城樓有作

吾祖沉寃二十年曾孫一拜一潛然營蕭且復傾家釀卜
築曾無傍墓田過嶺幾經山半雨登樓一似畫中烟不堪
重眺西州路雲樹濛濛實可憐

答瞪文

問余閉戶欲何爲俯仰之間數獨奇國已早春催夏稅家
猶亭午待晨炊病妻旣念亡兒泣稚子還因乏乳悲如此
閒居閒亦苦教人安得好懷時

夜飲齋頭同妹夫張圯孺從祖彥升從叔如孫元孫
論史中及靖難時事悵然有感分得言字

酒盡更闌且勿喧聽予耳熱發狂言伯夷絕粟殷旋叛豫
讓褫衣趙亦存一自族誅推士氣至今口實負君恩悲來
莫怪青天黑明日攤書細討論

皖上喜遇范小范志別

皖水鱗魚四月肥三年前此問漁磯重來僧舍先詢爾共
道山人獨采薇碩果幸存冰雪後冥鴻無恙網羅稀高樓

一望愁何極滾滾江流去不歸

別後星霜何所為君言湖上足棲遲醉臨逸少籠鵝帖閒

擬淵明誠子詩所恨賣田輸國稅更憐烹犢飽王師小范近詩

有云湖田賤賣輸荒稅山犢生屠飽亂師曾於山路三逢虎危病無如此一疇

小范三遇虎無恙有三猛虎行

東任克家

石塘秋水致雙魚曾道雄文似子虛克家客秋貽書謬稱子制藝我已

略知毛義志人猶爭誦曾連書寧親不敢貪薇蕨玩世何

妨到石渠此意向來無識者君今細討却何如

幾年前泊皖江濱握手相憐出處分下里聲歌難和雪茂

陵詞賦本凌雲何曾小草空慚我此去先鞭定屬君他日

安車謝巖壑龍山休假稚圭文

寄懷子畱

君應傲我考槃寬我覺孤棲興亦闌苦節千秋誰作傳愁

顏一載未經看長齋湖上魚空賤乍冷山中炭或難還是

入城多樂事笋肥酒熟好盤桓

送程其相太史頒詔還朝

使星迢遞播仁風此去重讎白虎通夢裏帝城翔五鳳雪

中驛路指孤鴻入朝須訢江南水問野難言冀北空他日

金甌書姓字早傳新政到蘆中

冬日雜咏

咄咄終朝醒復眠
廿年甘苦竟茫然
須知失馬庸非福
何必依人漫乞憐
詩律漸嚴惟自悅
名根已絕與誰傳
醉吟只待開春後
便擬躬畊下潁田

方床默坐午烟遲
點檢生涯未有期
釀酒趁冬親督婢
讀書從小便教兒
何妨陋巷無車轍
一任名場似奕棋
久矣輕肥吾不羨
閒情冷月凍雲知

朔風淒冽晝垂簾
將夕先愁飽黑甜
愛月畏寒難出戶
酒闌歌罷一巡檐
清光淡淡窺鴻過
白意紛紛待雪添
不是麗譙催午夜
幾回秃筆懶曾拈

山縣粗安夢裡驚
又聞隴右詔徵兵
焉知世事定不定
且祝冬天晴復晴
破被短衣寬得煖
烹魚燒炭值還輕
十行口號三升酒
足了殘年未了情

何爲謠詠妬蛾眉
舌在能捶爾利錐
曳白果然堪覆甕
題紅未必可牽絲
信知駑馬須遭蹶
幾見侏儒不苦饑
却憶十年前結客
耳中曾有蔡家兒

平生解道交游好
細數升沉悔可追
且向白家尋老嫗
莫從黃氏問牛醫
病中得句愁先減
醉後論詩悟每奇
歲事驚心容易過
誅茅吾欲卜東籬

十月中旬苦晝短
黃昏獨坐自天明
叩門未必真元亮
飲

酒但得如公榮不爾看書策往事再休結伴求浮名夜寒
人盡愁將卧到耳悠悠鐘磬聲

梁上休懸五尺刀幽居祇合卧蓬蒿詩名不藉談詩長酒
興還因病酒豪便與計偕先畏冷况經跋涉豈勝勞閒來
也共梅花笑笑說安仁已二毛

靜中百念都銷冷屈指人情爛幾柯恩怨全從蝸角起是
非較勝蝟毛多慣看織素難捐絕本不稱戈可柰何願得
深山叅道契白雲明月共烟蘿

斗室未全罄飯氣尚存几案置吾書微添爐火防香盡少
插瓶梅令影疎一日百看關尹畫三冬幾食季鷹魚龐家
清福應難買卽此雖貧樂有餘

松山道中

入夏早禾科旣萎將秋遲稻穗先枯家家塘堰風颺土處
處鄉村日曝巫已分粥糜過歲月更教僕馬減糧芻不知
杯酒騰騰興得有淵明釀秫無

荅陳爾先問草堂

勸君次第傾村酒聽我從容說草堂五架三間容膝地一
牀兩几讀書房蓮開並蒂花當戶竹種雙桎笋出墻更有
此此勞注問秋蘭苞萼滿園香

荅余振千

問我齋居何所營養魚種竹讀遺經客過且試棋雙局興
到惟添酒一鉸偶愛空堦鋤衆卉每開多戶納春星來年
更卜幽深處屋角叢篁構草亭

秋夜吟白傅詩辱江向若先輩以詩見投依韻奉答
長慶詩情逸似秋夜深吟咏出墻頭何期惠我風前句悔
未從君月下遊汝士果然堪壓白東家應笑不知丘近來
憂早非無意祇恐淵明秫不收

無題

綠樹斜陽映薜蘿坐君牀上聽君歌莫將翠黛因愁減且
把朱顏借酒酡障面羞傳王叔扇避人偷擲謝郎梭也知
欲采蘼蕪去醉卧其如阮籍何

竹

三十年來愛竹情今朝始得拂簷楹喜聞鳥雀爭枝噪漸
見兒孫迸砌生掩映朱魚搖碎影敲推文石作秋聲安能
買盡琅玕種滿院千竿一徑橫

架上秋蘭盛開念我同人悵然有作

架上秋蘭七八莖一莖花有數枝橫祇愁明日花全放安
得同人酒共傾婦指杖頭錢寂寞僕言酤店債崢嶸唯應
靜嗅香滋味一碗清茶瀝向卿

方爾止以龔山集見示賦贈

經年未聽誦詩聲夢想高踪何處行昔寓司空山比峻今
來姑孰水同清家貧買妾爲生子歲旱還鄉不入城投我
鴻篇三十卷竹窻吟咏有餘情

知君言行古爲師詩亦前賢杜白詩聲律苦吟非一日勳
名強仕却何時杜雖不第官猶貴白縱無兒福已奇豈有
同生壬子歲窮于工部及分司

杜白皆生壬子歲
爾止亦然故云

方君都以紫白牡丹見貽賦贈志謝兼柬汪惟肖

荒城小築名葩少邂逅高人夙所推偶問園花生覬倖却
令宅相轉徘徊種誇開日齊墻過方記移時拌藥栽肯與
數枝呼稚子也應知自外家來

君都言花得自外家語次
追歎吾兒亦方甥也故云

感君古義輕相贈疾遣奚童擔一籠從此小園增氣色卽
看來歲滿花叢紫雲轉合當風際玉露看應向月中不識
故人能代乞何時再得醉妃紅

寄凡書與牡丹同日至感賦

秋盡冬殘何所思茅齋長閉只吟詩那知遠道書來日正
值芳園花到時花到未知開有分書來又恐見無期一般
好事翻惆悵百誦名花傾國辭

友人頻命錄拙詩恨書法不工賦以解嘲

詩學粗諳書法微鸞箋幅幅帶慙揮安能筆下龍蛇走更
覺行間珠玉霏書法僅堪傳墨妙詩篇動輒寫天機歐虞

褚陸唐名手得有香山十字希

懷暲文

屈指公車爾最賢如何也共衆人憐已聞彭澤資三徑又
道台州借一瓊放後焉能謀赤縣歸來且自種藍田閨中
少婦應愁歎玉臂雲鬟月幾圓

木厓集卷之十七終

木厓集卷之十八

七言律三

癸巳元日

老去浮名不可期每逢元日喜兼悲癡兒乍覺高于几短
髮微嫌白似絲已足安仁懷令後爭如白傅校書時惟存
詩興年年好走筆能摹幼婦辭
獨坐晴軒省百憂向平何事苦淹留尊前滿泛新春酒
上猶堆隔歲愁涉世從教蒼狗變占年惟祝素雲浮欣聞
野老臨風笑道是今秋必有秋

依韻和江向若先輩竇祠詩

竇爲桐死
節見傳中

西山何處可招魂想像孤城百戰存直與史公分伯仲雙
懸正氣照乾坤高人特借詩文顯父老因瞻祠廟尊我亦
臨風懷節烈敝廬堪葺是誰恩

祠與史祠隣近江向若先生有竇將軍傳復系以詩

盛切蓮爲予鐫酒杯詩卷之章且有二月看山之約

走筆申謝兼訂後期

怪來切玉果如泥漢篆秦文手自題想見晴窗多檢校不
妨暇日一攀躋春當二月遊方好我已連朝望欲迷披雪
洞前花似雪酒杯詩卷共君携

以詩代書招吳弼士小飲

高齋風起竹林隈良友過從定幾迴不獨縱談離思濶也
須深惜好花開河魚尙足供彈鋏家醞何妨一把盃吾輩
借名猶索飲豈容折簡不飛來

哭方子畱

平生故舊誰憐我望爾歸來破積愁獨愛詩篇思共賞新
開竹徑待同遊每因暫別猶懷恨何況長辭不淚流欲哭
却停惟暗泣幾時傾向白楊秋

憶昔論交白下初聞鷄高會意何如共憐作客逢王朔爭
欲乘時獻子虛分席最推連理樹開械猶見萬言書不堪

同哭臧三後又惜君家鴈影踈

昔在白門有聞雞之會爲方掾公吳式昭戴道及臧

壽平方子九子畱及予共七子今壽平旣天子畱亦歿益深人琴之痛

屈指從遊幾變更舊京風景最關情看燈共蹋虹橋月訪
妓同聽馬巷鶯一自滄桑身獨隱每詢陵木恨難平于今
草罷瑤宮記天問何愁問不明

君家高節有三仁年少如君覺更真營墓直當依斷事鐫
碑自合署孤臣獨憐未矢雙親報猶恨難抽五嶽身一領
袈裟消不得翩翩裘馬是何人

龍眠雅道在先型許爾同登著作庭割席頓歸天上去鼓
琴難與眾人聽天埋杜甫無詩史我報微之有誌銘他日
石渠如載筆已年月犯少微星予與子雷夙有同
選龍眠明詩之約
象山官舍舊銜寃卧病悲吟骨僅存痛定每爲予歎息生

還豈合復飛翻可憐六七年前識果斷三千里外魂詩草

滿囊招得否海天蒼莽日黃昏

子雷七年前曾寓象山卧
病詩有二云倘存病僕収吾

骨詩草殉予葬水厓今復
病歿于象前詩竟成識矣

我曾勸汝遊非計高隱長齋足自娛無柰饑驅誠薄命誰

知天折復窮途雲迷舊梵魂歸否潮入秋江櫬返無老母

含悲妻女哭幾回望斷石塘湖

子雷所居
稱舊梵

形容瘦薄詩情苦怪爾生來相亦窮豈料遽成黃壤客嘗

疑不是白頭翁曾將遺稿歸王粲直待何時託所忠惆悵

鐵函心史後爲君封貯草堂中

有浙江草
屬予點定

見白傳集中屢誇蘇杭之勝率爾遣懷

蘇杭山水東南最每讀詩篇逸思興旅寓豈能常騁望宦
遊或可日頻登同鄉民社應難得開府箕裘恐不勝他日
倘能微薄祿吳門學博浙江丞

國法同鄉不得作吏皖吳隣郡也先大王父開府浙中

寄慰余振千喪子

迎龍庵裏共周旋我獨酣歌爾獨眠正訝心情何寂寞豈
知骨肉有連遭驚聞忽碎藍田玉悔未曾乘剡水船若踐
別時鷄黍約相逢一慟更悽然

振千曾期予過訪不果是日有西河之痛

最是中年忌哭兒失珠何易得何遲遙憐此日童烏痛似
我從前舐犢悲瓊樹已當吹折後金鑲須有再探時尙憑
君憫妻兼母未可身同卜子癡

劉夢得慰白傅喪子詩云從此期君比瓊樹一枝吹

折一枝生

荅友人

問我生平詩若何忽驚老至惜蹉跎狂吟不爲求名計乘
興無妨取意歌懶自鈔謄成帙少被人携去覆瓿多于今
約畧存無幾省與時流費揣摩

松山雜咏

松山秋色足婆娑携竹田間日幾過雨後印泥尋虎跡月
明車水聽農歌不妨閒境銷愁境亦賴詩魔遣睡魔獨惜
名花剛落盡陰成子滿欲如何

山莊望浮山有懷

不上浮山已十年年年山下刈秋田到時每恨煙波隔別
去無如世網牽巖洞依稀猶記憶寺僧零落幾更遷新晴
野老貪收割那得閒人送渡船

與弼士詩約

唐人唱和推元白次則龜蒙襲美多甚至百篇皆酬唱亦
鮮經句不和歌生今之日思用世以此爲業難登科我欲
夜闌各一首唱子和汝却如何

吳南蒼癸未秋有贈何武伯白門移居詩何未之見
也予于遺稿中見之何命予代書撫今追昔不勝
愴歎用呈武伯兼懷南蒼

亡友遺篇不忍披十年前作贈君詩憐渠脫稿未相示待

我重題亦可悲避地尙當無事日還家猶有種花時眼看

堂構今逾盛腸斷荒墳宿草衰

南蒼有燕額封侯
潭號百花之句

同陳子垣方爾止陳二如馬孔璋張濬之集城東樓

送滴上人之匡廬左子直之歸德

高僧忽到野人居正好論詩摘晚蔬無柰西歸兼北去俱
當秋盡復冬初疲驢荒店猶沽酒破衲寒江豈羨魚只有
些些風景異梁園雪不及匡廬

送曾止山之匡廬

止山贛州人已
爲僧號滴投

恠爾崎嶇返舊京蒲團底事學無生似嫌陶令猶多酒更

水月集十八
覺匡君浪得名鴻鴈聲中詩思苦蘆花叢裏客帆輕分明
路指江鄉去却不還家何處行

送左子直之歸德

城頭夕照更悠哉送別登高待月來不醉爭當霜撲面將
行猶勸酒盈杯主人况有琴兼鶴上客何殊鄒與枚此去
洛陽緣底事可能空取牡丹迴

陳二如有同婦歎方爾止和之予復爲和兩君詩

連讀兩君同婦歎亦無顏向孟光傳情知此恨人多有眼
見吾生苦更全空歎烹雌垂廿載預愁賣犬是明年祇應
自歎難爲說說與渠聽更黯然

喜齊爾念舉子予與爾念各有孀親弱女而生子之

年亦復相同走筆志賀情見乎辭

行年三十始生兒同學如予亦此時繞膝也添嬌女伴登
堂俱解老親頤喜聞虎子啼尤異莫慮鵠雛浴較遲試看
吾兒剛五歲雖頑解誦阿爺詩

白傅贈微之生子詩云莫慮鵠雛無浴處卽應重入

鳳凰池

同吳弼士姑丈夜坐賦得雪夜孤燈得霜字

徙倚簷前月似霜殘燈無焰對匡床喜看冰雪心相照懶
讀詩書夜轉長何處剡溪舟破凍誰家太尉酒生香獨憐
寒洳封三徑雙卧袁安一草堂

哭張圯孺

也知病骨欲成灰歎息瓊枝此夜摧自是巳年人不免恰
逢庚日鵬興哀揮毫豈忍爲君誅執紼還應待我來聞說
臨行頻寄語未曾一訣向泉臺

孤生兩折紫荆枝鴈序嘗懷隻影悲異姓不殊兄與弟同
心寧獨酒兼詩尙期白首長歡聚豈料青春早別離此日
人琴重痛絕渾如初喪獻之時

予數有手足之痛

年少承家意泊如蕭然韋素出無車孟元讓宅情何厚公
藝同居願已虛獨買數椽能肯構還期蚤歲卽克間可堪
歌舞無多日泥落空梁草不除

憶昔江城覓舉年離家作客倍周旋龍山並轡朝同起祖

寺連床夜共眠得疾祇緣勤誦讀求名亦覺太憂煎早知

圯上終難遇底事區區弟子員

皖有大龍山三祖寺

擇友常推汝社賢曲江風度本翩翩摛文恥曳終朝白問

字心懷午夜立共許登壇相慰藉忽聞營奠各悲憐那堪

四十人爲誄屈指惟君最少年

同社四十人皆來吊唁

褊性難將世俗宜下交真欲友兼師嫉邪共有鷹鷂逐望

遠嘗輸練馬知藿飯半生空自苦牙籤滿架亦何爲每過

嶽廟增惆悵憶爾雞窻講習時

曾與予讀書嶽廟

去年小築新成後期爾連床倒玉缸空剩一間虛左席何

曾半日與同窻君今長使芸香冷我亦生憎樹影雙祇合
他年招宅相共吾穉子對銀缸

記得重陽前四日籬邊把菊興何幽養生自說稽康好索
飲還從阮籍謀竟閉蠹魚殘卷裏亂封蛛網小床頭懸知
來歲登高會點檢惟無秦少游

中表由來情好重自諧玉鏡愈柔嘉早年卽有朱陳約此
日纔聯王謝家獨惜尙平終不見縱如衛玠向誰誇更憐
弱女迎三歲繞榻嘔啞喚阿爺

猶憶搥床拜託時病中未覺語支離感君家事親相囑授
我遺言不忍辭書籍那須王粲讀哀文尤見令嫺悲他時
何以酬明德剪拂雙雛入鳳池

燈下贈弼士

最喜寒宵客思清兩人相對語縱橫竹間雪墜知風起燈
下詩成覺酒輕懸榻何緣爲北道操觚久已重西京自憐
獨有齟聲永和爾呶唔到五更

病中酬弼士以詩見訊次用本韻

半載同窻忽歲除君今歸舍意何如沉酣詩酒全輸爾擺
脫塵紛亦勝予自覺窮邊多感慨不堪病裏更欷歔祇愁
病去窮難送賣犬何心復著書

時予將有
婚嫁之累

寄壽方繡山五十兼賀其生子

有鶴南飛傍鷁舟遙聞謳誦滿邗溝何期弧矢稱觴日正
值熊羆入夢秋仙果應從蓬島得鸚鵡會向鳳池遊佇看
天祿傳家學堂上耆英尚黑頭

贈陳玄章秋捷

瀨水才名伯仲齊初從邂逅辱招携匣中並有雙珠譽臺
上纔聞一駿嘶昨見雄文期早達果然雁塔讓先題司空
自識干將氣不似他人五色迷

玄章出張
繁昌之門

句曲旅邸秦虞桓同李秀升過訪以詩見投次韻奉

和

又向荒村覓友朋不知面目久堪憎敢云連璧如潘岳

時余

與井公
同寓却喜同舟是李膺逆旅安能謀濁酒寒宵空復擁

殘燈公門咫尺猶霄漢何況君門喚豈應

同井公訪詹雷礪因畱飲樹下隈窻字

客中作客難謀醉痛飲何妨倒玉缸爲愛深林分樹色却
看返照入秋窻十年縞紵情原切此日班荆氣已降更喜
讀君新句好篇篇楓落冷吳江

酬贈孫豹人兼送其還維揚

感君邂逅贈予詩底事經旬賦荅遲自是愁懷抒不得亦
緣高士驟難知才如華嶽雙峰秀人似邗溝萬頃陂南北
江山憑挹取教儂爭作管中窺

訪汪爾孝因懷尊甫凝霞先生

登堂偶見壁間銘想像先生賦獨醒避亂何妨容寄廡歸
田仍不輟談經陶家秔秣雖無地謝氏芝蘭却滿庭聞道
老來筋力健至今白髮未星星

寄懷詹雷礪和州

山城花樹正鮮新遙想高賢樂事勻馬帳風清方講易烏

江草綠好尋春故人天未曾相慰

雷礪多厚
祿故人

濁酒床頭應

不貧得似華陽幽興發論詩日日漉陶巾

同陳季白許綏人方爾從齊念修張如三吳弼士集

井公宅卽送其遊歷陽得酣字

又携琴劍向江潭一路風光夙所諳上客自然推仲叔故

人况不少桓譚

歷陽多井公舊
友及門人也

歸鞭何日看見接別酒今

宵任友酣我註杜詩纔屬稿石榴花下待君叅

壽太守李毅可先生

東來笙鶴引雙旌仙李倚蘭舊有名皂蓋影懸天柱峻冰
壺姿徹海門清沿村社鼓經春鬧負郭漁燈傍月明共喜
使君揆覽近一時謳祝滿江城

孟夏至皖城與馬永公食鱒魚有感

郡城魚美舊曾傳更說鱒魚味最妍每恨來時非四月肯
教今日惜千錢呼童入市那難得隔宿還家已不鮮各有

庭闈君較遠幾回輟箸兩茫然

以詩代書招杜杜若七夕見過是日立秋

何爲終日坐荒祠重肯來朝過短籬銀漢低垂乞巧夕金
風初起立秋時懷歸莫作蓴鱸思悵別休因牛女悲且共
醉歌茅屋下桐疎荷密竹參差

次韻賀綏人生日詩首章奉慰綏人次章則自傷也

君是擁旄謝掾時漸多歡樂不多悲何妨更使雄心壯只
恨難辭肉眼疑早達無緣庸匪福晚成有日豈嫌遲試看
朝槿秋零後輪却黃花笑彼癡

與子連窻共屬文細論時藉酒微醺功名老大如孤注意

氣消磨已八分但得一官酬鐵研更無餘興及紅裙十年

之後窮相似不獨君焚我亦焚

綏人詩再過十載猶貧
賤書卷拋除硯亦焚

山莊刈稻有懷母病

布衣生計在桑麻忍淚違顏到水涯却怪連宵心轉動不
知此日飯曾加村農欲穫田禾薄估客將歸穀價諱回首
白雲歸思劇重陽前後合還家

母病經旬不忍離夢魂猶自繞慈帷誰煨藥盃全憑婢未
讀方書索信醫夜漏漸長難起坐秋風初冷易衰羸安能
歸及重陽節跼進茱萸酒一卮

九日卧病山莊王生子韶過訪會令叔如之載酒至

卽席賦贈子韶

山墅常隣尺五天
嗣宗諸從仲容賢
已知病減登高興
却喜窮多送酒緣
紫蟹剛來湖岸上
黃花空憶草堂前
一從快讀陳琳檄
不用茱萸插滿筵

人日大雪喜余大微方爾止
左子兼過集共得寒字
荒齋風雪晝漫漫
且喜嘉辰集古權
名下無虛推內史
山中高卧幾袁安
論詩雖挾千秋秘
把酒還防永夜寒
忽憶十年前共事
話來忍作兩朝看

壽元白上人六十

正月十二日

遠公卓錫此山陞
已信人間自作師
法雨又添春草色
慧燈常照上元時
烏巢頂上心原定
白滿顱邊髮任垂
會却真如忘夏臘
不妨兜率有期頤

送關中王伯闇遊吳下

山城涼雨落斜暉
送送臨岐心事微
我已江淹深惜別
君猶王粲欲何依
懸知吳越多相待
莫到秋冬又不歸
各有老親須努力
青箱况復屬烏衣

送關西李星白還維揚

關西王李領風騷
爾更南遊興益豪
彩筆削成華岳秀
錦心濯向廣陵濤
二千里外家雖遠
廿四橋頭月正高
孫楚鄭玄如借問
莫言荒徑滿蓬蒿

鄭掌和孫豹人也

讀書齋將鬻感賦呈從祖天昌

讀書齋裏誦毛詩與我連窻復共師
亂後各憐萍梗跡夢中長繞刺桐枝
重歸故宅階庭改猶喜當門衡宇宜
今日那堪還鬻此傷心不獨憶兒時

寄田長康兼懷令兄孫若先生令姪表度諸子

江城紫氣正氤氳別後嘗瞻日暮雲
覆甌有顏應笑我時

有詩義之梓猥蒙許可解頤無術倍思君
田生不獨能談易潘岳何

曾善屬文美爾堂前荆並茂庭堦蘭玉更紛紛

孫子毅招飲因讀其近詩有贈

十載神交夢想餘今朝纔識子雲居
論文久已稱同調傾

篋翻疑得異書君助我歌渾未倦酒隨詩進肯教虛筭來
一斗猶應少便讀畱侯傳不如

中秋訪陳琬次石舫因畱同童穉公錢孝綽夜集

久欠君家石舫詩竭來剛值仲秋時
湖光遠向杯中瀉山色低從壁上窺
近市莫嫌佳節鬧遺臺猶動昔人思

谷讀笑予練馬曾難辨月到藤蘿尚未知
時月已上而予猶訝其遲也

訪高右國不值晤令嗣縵公畱詠

家傍浮山畝數區新成小築授生徒
龍門那欲題凡鳥馬帳還聞有鳳雛
紅徧秋花看轉艷綠殘芰葉未全枯
不知受業河汾者曾有風光似此無

留別同社諸子

此去梁園雪滿山，饑驅寧復畏間關。
爲文羨爾三冬足，作客憐予千里艱。
逆旅尙憑詩遣興，深宵猶藉酒開顏。
祇愁歸日寒仍舊，不及袁安高卧閒。

壽春道中卽事同倪南蔭作

路經舒六漸辭南，向北霜風搃不堪。
屢卜陰晴翻得穩，欲詢遠近幾曾諳。
寒燈夜半頻呼馬，白日昏沉未解驂。
不有故人同卧起，長途誰與縱閒譚。

飲何道岑司李署中

也知風雪枉干人，繞樹投君意較真。
壘塊恰澆官舍酒，衣裘猶帶故鄉塵。
鶴陰欲和書聲急，馬櫪頻喧俸入貧。
自是傳家清白舊，竭來無乃足逡巡。

贈何道岑司李

次道才名二十春，霜刃初試已粼粼。
鼠牙那敢侵棠蔭，壁馬無煩到水濱。
殿上擊蛇推獨步，園中賦雪許何人。
不妨退食琴書暇，聽我狂吟酒數巡。

方伯先生世澤垂，當年水譽滿湖湄。
已從家乘搜蘭蕙，特爲官常勒鼎彝。
夔令子克稱廉吏，後清操真欲畏人知。
到來便覺風謠美，作頌慚無幼婦辭。

時予撰邑乘推尊甫方伯先生爲廉吏第一

訪陳簡菴竹構亭因讀其近詩有贈

知君才思滿梁園僑寓猶徵雅尚存彈鋏原非爲幸舍曳

裾何必盡王門立言細似茶烟裊好句清如竹影繁却憶

先朝同譜日謝家堦砌足蘭蓀簡菴爲參政之後其世父與先少司馬同年

宋牧仲過訪以佳刻見投賦贈

風流儒雅竟誰推年少深憐宋玉才授簡獨工梁苑雪傳

家兼擅廣平梅南遊詞賦騰吳下北望聲名滿薊臺古竹

嘉禾應咫尺論文還欲破蒼苔牧仲爲相國先生令嗣所著有古竹圃近詩嘉禾堂

集全

賈靜子徵君招同徐邇黃徐恭士宋牧仲夜集

高言歷落響茅茨一夕酬余廿載思投轄漫教燈火亂擁

爐翻怪雪霜遲頻開酒甕從傾倒別向騷擅作鼓次誰識

梁園老詞客猶能痛飲苦吟詩靜子屢更酒酌予自言近詩是韋孟一流

侯彥室招飲賦贈朝宗先生之子

天涯高會肯教虛力疾容予禮法踈對酌恰宜看怪石移

尊重喜到幽居世情原不因人熱家學真能讀父書貽我

名篇何所似藤蘿新月映堦除

侯彥室以尊甫詩文全集見贈却謝

聞道南陽著作賒披來錦字爛朝霞詩堪後起十才子劉禹錫云大曆十才子

子美之後起也文是前身八大家清夢何緣逢輔嗣是夜

夢與朝宗論詩文 玄經有爾勝侯芭他時封禪求遺草會看神駒

起渥洼

送萬巖南明府之太丘

時予亦將之黍丘

錦江詞客何昂藏少年盛名賦長楊卽今棠蔭連九子胡
爲萍踪滯三湘窮途羞下英雄淚思家勿牽兒女腸可知
此別猶未遠黍丘太丘鬱相望

巖南曾爲青陽令今流寓楚中

雪

客路陰晴苦不定占星卜日似知幾夜來正恹重衾冷曉
起方知瑞雪飛雲翳僧厨烟欲凍泥深官道客應稀凭闌
自笑山陰權見戴胡爲尙不歸

關海臣招同魏用熙陳簡菴過集限魚字

羨君城市有幽居流水當門好結廬家學已傳無恤簡交
情共警孝標書詩成小楷題墻徧影落寒梅入座踈且喜
天涯逢數子銜盃那復嘆無魚

懷陳子垣方爾從齊爾念吳弼士諸子久客白門

良友萍蹤半溯流各懷心事却誰酬梅殘古寺無遊屐霜
壓秦淮上酒樓結伴幾人曾把臂歸裝此日定同舟可知
北望寒空裡尚有孤鴻雪滿頭

寄懷陳季白許綏人何武伯朱公憲齊古愚方井公

張子萬子千家從祖彥升諸子

客路無端向黍丘翻將雪苑作并州晴窻爾輩文堪賞月

夜何人酒可謀遠夢應憑鴻鴈信薄遊難買鷓鴣裘安能
縮地言歸早剪燭圍爐話旅愁

懷婿陳大匡姚曾齋讀書家園却寄

倦遊懷女因懷婿各掩書堂客少窺此別豈酬名嶽願相
思如覩玉人姿欲開萬卷乘冬夜莫負千秋及少時知爾
趨庭風雪際題詩絕勝謝家兒

時陳默公姚若
侯皆家居課子

贈計甫草

吳下才名二十年長將懷夢托雲烟文瀾自覺慚潘岳腹
笥君能做計然獻賦豈因天府重著書久向國門懸昨來

驢背詩尤好字字重教雪苑傳

甫草有馬
上近詩

天涯同惜歲蹉跎悔不幽居守薜蘿長缺空彈愁轉劇寒
衣未寄淚尤多徵車只擬依棠芾講席何期廢蓼莪此去
逢迎知不少帝城春色正差我

北上值彭有
家難不果

甫草以貢入城均道經夏
邑將隨其師彭孝先司李

陳簡菴招同練石林賈石介過飲賦贈令似去幅義
思時有藏鈎之戲限鈎字

喜看雙匣吼吳鈎每到君家醉不休元季繇來屬陳氏機
雲今日產中州藍田璧玉競相映池上鷓鴣好並遊豈獨
二難堪繼武濡毫還榜聚星樓

呈方伯關傲吾先生

先生與先少
司馬同年

五十年來先司馬曾因蘭譜託風雲
鼎湖遽灑攀龍淚銅柱爭傳徙鱷文
解組猗猗猶嚮化歸田鷗鷺亦同群
前朝耆舊凋零盡屈指中原尚有君

先生曾官嶺南

懷方子詒劉爾雅都門

故人簪紱滿京華同學尤憐二妙遐
方叔掌綸仍似客劉生對策久辭家
彈冠自合離風土披褐何爲戀雪花
半歷長安車馬路黃河極目尚天涯

立春日彭士報招同計甫草飲寓齋論詩因以佳刻

見示賦贈

高坐晴軒四壁孤論詩草色起平蕪
遺音敢說巴歛美辨

體須知雅鄭殊司馬文章遊覽後元龍意氣病貧俱如何

纔入襄陽裡春酒春盤碧滿厨

士報時自山居入城

次韻酬別關海臣見贈之作

歲晏猶嗟歸騎遲瞻雲何限倚門思
極知膠漆難爲別欲報瓊瑤但有詩
蘭譜自慚司馬後竹林尤美步兵奇
中原他日如相遇得附青冥未可期

飲李草樓郡司馬竹署

誰道萊蕪金欲塵琅玕千箇未全貧
冰廳賸有藏書地歲杪纔逢佐酒人
官是山公兼吏隱詩同開府更清新
請看竹下鷓鴣伴相對那能不飲醇

草樓有令嗣在座

木犀集卷之十八
彭孝先司李招同陳簡菴計甫草李萬宗練石林關

海臣過集賦贈

聞道嘉禾佐郡時于門世澤少人知平反幾博雙親喜歸
去惟携一鶴隨意苴纔能銷衆忌蓼莪遽欲廢全詩多君
素鞞猶招我念舊無非水木思

孝先時有外艱其王父與先少司馬同譜

祀竈夜雨雪同計甫草飲李念蓼學博署中

天涯共惜歲華新臘盡先除四日春縣小從教燈火寂衣

單偏與雪霜親且傾首藹克盤酒莫憶椒花作頌人

時甫草思

家辭只是慈闈成遠別倚閭此際各傷神

飲除夜同何道岑守歲作

兩人踪跡初何定一歲生涯且共商爾活幾囚應自憫予
輕千里爲誰忙窮途祇有詩堪祭官舍猶餘酒可嘗爆竹
欲殘商陸盡饒君作宦也思鄉

木犀集卷之十八終

木犀集卷之十九

七言律四

丁酉元日

麗譙初動古梁城
客夢頻驚曙始生
隔歲春風何太暖
故鄉雲物倍分明
傍僧偏乏屠蘇酒
入市纔聞爆竹聲
遙憶北堂歡聚處
盈尊栢葉待予傾

輓石東壁

東壁侍尊甫二孺先生桐署中盜至以衛父故死之

千里庭幃美鯉趨
何期衛父遽捐軀
直求不媿爲人子
未可徒稱烈士夫
秦嶺雲深迷去鶴
江城春至有啼烏
雖然獲得渠魁首
持向招魂魂返無

卽事有感

歸來掩戶過殘冬豈料鄉人禍屢逢前日兄降勾弟去今朝夫僂逮妻從驚魂猶恐株連密同病仍憂轍覆重還是吾儕貧賤好梅花清夢日高春

送方井公妹丈之閩中訪成杏懷侍御

春江如練盪晴沙送爾揚舲溯海涯霞嶺風光搖客夢幔亭雲氣引僊槎鷓鴣聲裡初行路榕樹陰中可憶家應爲荔枝思飽喫窻前拋却好梅花

繡衣高義總如雲何況官齋到是君雞黍不忘天末約酒錢寧惜杖頭分重逢老友難輕別偏踏名山有至文吾母倚間猶若母歸鞭早晚趁驄群

贈從叔根孫三十初度

二月十九日

吾宗爪脰漸蕃延三十登壇有世傳此日致身安可後同堂諸父更誰先霞觴恰值花朝後蓬矢長依大士懸莫似阿咸悲短髮蹉跎忽到擁旄年

寄從祖拙菴嶺東

司馬空傳清白業牛刀聊試尙無忘不携妻子官如客可念尊鱸醉是鄉謝傳諸孫仍濩落陶家三徑更荒涼昨來寒食經先隴風雨蕭蕭怨白楊

贈董子九六十

子九善画理新買姬客皖中皖故司訓地也

谷口芳蘭葉正敷遙聞笙鶴向南呼
畫來五嶽遊應徧携得雙成隱不孤
注籍又經新甲子稱觴猶有舊生徒
宜城花發江魚美春色何嘗異鏡湖

懷陳子垣客漢中

前年剛返雲中騎昨歲旋牽隴右衣
老友情知生計苦傍人猶惜壯心違
纔添兒女應憐小徧歷風塵可救饑
料得他鄉寒更久江南春盡雪花飛

送石仲昭明府還關中

使君經術冠朝簪纔報三年澤已深
甘雨正滋春甸麥清風遽解夜堂琴
陶潛雖有歸來興安石難堅物外心
他日

乘輶還過此滿城桃李是棠陰

東門城外送征驂父老攀條悵落暉
自是官賢遺愛遠非關民直頌聲歸
謳吟也傍絃歌起惜別那堪講席違
莫怪臨岐頻下淚半生知遇似君稀

奉和葉紫賓明府桐渠新濬紀勝

次原韻

山郭溪流惜久停于今可得似西泠
泉聲忽向車前瀉麥穗因從雨後青
到處荷鋤喧蔀屋誰家甃石彷彿蘭
亭夜來試上樓頭望漁唱纓歌月滿汀

憶昔芳郊夾柳堤一泓清淺到城西
廿年空被榛蕪塞萬井誰將畚鍤携
鼙鼓恰逢春晝永石橋平壓暮潮低
何須

更看如雲稼綠滿千疇望已迷

郭北巉巖倚石開春流一線繞河隈寒帷不憚身先往駐

馬欣看水乍洄野老披蓑應更喜兒童把釣實無猜可知

萬壑千溝滿盡向清平橋下來

邑庭前有清平橋
桐渠所經水道也

琴堂夙駕欲何求不是貪看綠水洲流向花村宵析靜聲

來塵市曉烟浮桔槔預省千夫力雨露能生萬頃秋何必

春潮乘晚急儘容西澗一孤舟

茂宰修隍復濬川滿渠花雨碧涓涓沿邨戶釀宜春酒負

郭僧烹活水泉河潤永留青畝澤棠陰長繞綠堤烟遙知

訟閣鳴絃暇穩聽潺湲伴鶴眠

蘇仲濟以越遊詩見示賦贈即送之還里

脩山姓字久傳香邂逅何緣識季方縞帶定交真水鑑錦

囊得句勝琳琅奇情不逐春雲冷

雨遊西湖詩

幽思偏同秋水

長

過嚴子
釣臺詩

此去故園芳草徧可無清夢到池塘

令兄司理
寧波將往

中省署

東馬孔璋再訂登山之約

郊外曾期共入林浹旬霽雨廢登臨天容忽喜浮雲淨山

路寧辭落葉深已辨勝情窮蠟屐更將清咏敵蛩吟蒼蒼

秋色行垂老霜冷風淒不可尋

雪中紅梅同陳默公賦

庾嶺春光斗室俱最憐
六出點名株生來艷質開
尤早濯向冰壺色更殊
乍似桃花沾柳絮漸疑玉樹并
珊瑚不知濃淡天然處
傅粉紅顏學得無

孟春小葺靜室因題壁間

亂後還家十五霜
敝廬粗葺尚頽唐
茅齋下榻容通子
紙閣支機讓孟光
不有半間爲坐處
却將七尺寄何鄉
今朝始覺枝棲穩
書滿牙籤筆滿床

春風又遣歲華徂
潦倒人間是腐儒
半覺儘酬桑落酒
一編何負博山鑪
魚音漸遠欣親健
牛飯常遲任婦迂
坐久不妨拋卷帙
閒呼稚子識之無

獨醒何必嘆離居
坐卧滄洲亦遂初
世法渾如蛛網密
人情畧似槿籬疎
菊苗迎雨青無數
柿葉翻風綠有餘
更喜藤蘿新架好
清陰全覆一牀書

春泥堦砌落花紅
閉戶誰憐阮籍窮
斗酒但邀西閣月
孤琴時對北窻風
名場翻覆同蕉鹿
宦海遷流似雪鴻
還是糞鹽滋味永
好拚生計蠹魚中

寄題鄧田公北山草堂次戴無忝韻

城隅別築種青松
更傍祇林禮佛鐘
顧我幽棲同仲蔚
羨君豪氣似元龍
異書應自趨庭得
奇字何人載酒從
爲報草堂春雨足
花晨月夕會相逢

寄壽何道岑五十兼喜其入覲

仙吏冰譽海內聞西來紫氣最氤氳梁園舊釋鄒陽獄沂

渭新調非子群

道岑曾司理歸德今監平涼馬政

桃是瑤池霜後熟梅輪

官閣雪中芬

初度辰在去年仲冬

遙知此日霞觴滿定向崆峒禮白

雲

崆峒山在平涼

玄圃鸞笙列綺筵遽聞劍佩欲朝天千官依舊趨長樂五

馬于今重潁川禹貢衣冠王會盛漢家金壘主恩偏燕臺

此日真求駿况有神駒渥水邊

寄題張子千西山草堂

卜築如君無世情不妨終日傍柴荆樓頭夜析書聲壯宅

後晴山屐齒輕樹色高低浮檻出嵐光遠近入簾清何時

最是宜相訪月滿秋林雪滿城

經旬未到草堂前記得欄干一醉眠新築短墻聞更好舊

開小徑覺猶偏竹書曾破千竿綠榆火應分萬井烟恠底

西山朝爽薄被君勾取入詩篇

四月廿七日為先君六袞誕辰詩以代哭

吾翁生值錦旋新

先君生日正先少司馬辛丑釋褐之年也

屈指于今滿六旬

在日曾無四十歲

先君以庚辰舉四十年春即世

筭來已沒廿年春營

齋好就荒山刹

母氏是日禮懺

酌酒空澆濁水濱若得康寧稱壽

考也應笙鶴集茲晨

游子衰裳尙血痕時承先饑驅聊且赴彭門登樓便作還

家夢負米仍難逮父存風雨一燈頻下淚關河千里暗銷

魂遙知此日諸兒女勺水無忘拜祖恩

上李觀察漑林先生

薰風習習自南來祭戟高懸護綠苔青海競陪元禮乘黃
樓重遇子瞻才帳前貔虎騰雲出河上鯨鯢逐浪回爲報
舊時絃誦地至今春暖百花開

司空山畔有甘棠父老謳吟未忍忘豈獨口碑傳政績更

將心版勒詩章昔有司空八景褰帷不分喧隣國負笈還

容上講堂肯與驥群同剪拂也應努力一騰驤

吳中黃招集新居賦贈

羨君新築俯東臯坐對層峰几榻高久矣延陵推季子却

因中散拜山濤爾從介予于中盤餐不似無鴻案庭樹應

知有鳳毛更欲殷勤畱客醉頻呼歌管莫辭勞

此地由來鸞鶴群幾人俠骨得如君牀頭金盡猶耽酒座

上賓多雅好文燭淚正濃山月出笙歌纔歇梵鐘聞憐子

爛熳忘歸路清夢還容谷口分是夜宿鄭山人越生草堂

次韻和楊士佳司理哭史相國墓

維揚歌舞又紛華誰問當年使相衙杯酒一澆後死淚墓

梅雙種向南花濤聲不返乘箕夢草色空停御李車更說

秋林呼鶴子隋堤衰柳聽殘鴉

彭城懷古八詠

彭祖井

在城東門內相傳彭祖觀井而覆以輪卽此

城邊古井覆春莎未必泉通濁水河却訝老彭偏跼踏直
教年壽欲如何養生詎有神仙術遠害還緣恐懼多莫怪
世人軀命促更從湖海狎風波

高皇廟

在城東南

彭城自昔稱西楚漢祖兵威此未經睢水血流成往事碭
山雲氣失精靈祇緣版籍歸真主長許蘋蘩荅杳冥聽說
高皇祠廟在無人知有霸王廳

戲馬臺

在城南山頂羽戲馬處今爲分司署

楚王項籍渡河來叱咤長驅萬壑哀豈有沐猴真帝子祇
將逐鹿假龍媒揮鞭自合千人廢失路偏無一騎回誰道
漢家非馬上不曾見戲起高臺

放鶴亭

在雲龍山宋山人張天驥建

雲龍缺處補烟霞細認當年隱者家除却使君無伴侶蘇子
瞻過張天驥草堂詩慣與先生爲酒伴只憑放鶴作生涯聽殘清唳松陰杳
舞罷玄裳月影斜底事不如林處士山前山後種梅花

子房山

卽雞鳴山漢張良散楚兵處

雞鳴山下暮烟平此地曾聞散楚兵五世相韓身未許一

生爲漢自分明袖椎已釋先人恨銷印應無故國情誰使
瀛王猶口實事仇翻託報仇名

亞父塚

在黃茅岡前有碑

謀臣亾後霸圖空尚有穹碑茂草中龍氣旣然成五彩鴻
門何必怨重瞳三章無計除苛政十罪曾難效小忠漫道
一增猶未用良平智不與君同

燕子樓

在城西門內唐節度張建封妾關盼盼所居

孤樓祇許燕飛鳴歲歲卸泥送復迎幾度寒宵堪弔影每
逢秋社暗吞聲舍人猶未知深意禽鳥焉能識此情還是
樂天才思好奪君年壽予君名

陳薦詩樂天才思如春雨斷送殘花一夕休

黃樓

在城樓東北宋太守蘇軾建今觀察李公新之

黃河河上有黃樓樓自崔嵬河自流豈是亭臺能鎮壓祇
緣威德足懷柔魚翻鱷浪回千里龍抱驪珠徙十洲不信
請看今刺史三年霖雨護神州

謂李漑林先生也

寄懷方繡山員外

解組歸來獨著書纔過五十宦情疎蒼雲變盡偏懷舊綠
野垂成足遂初桃渡烟波應不減梨園簫鼓近何如昨來
戲馬臺前過尙有侯芭問起居

謂徐州守王吉士也

聞邑侯葉紫賓明府罷官有感

三年棠庇滿郊原不獨身卸國士恩萬井自輸無稅吏一

溪環繞到花村

侯惠政甚彰惟革里胥俾民自輸
疏濬桐渠溉田千頃民尤德之

中山有

篋偏騰謗門下何人爲訟寃却恨饑驅羈遠道心隨父老
其攀轅

去年烽火照江東兩岸樓船戍守空獨鎮群焚疑懼日全
銷兵氣笑談中司常縱惜封侯賞興誦難忘固圍功安忍
彈文仍不免海天風雨挂殘虹

走筆贈徐石林

徐郎才技近如何不是思君不渡河

石林寓河北

爲念一時同

作客况聞先世共登科

尊王父大叅公與先司馬同年

詩逢勝地工應久

畫入新秋秀許多更愛寓公好書法昨來題榜徧山阿

時徐

子遜司農構亭臺雲龍山題榜皆石林筆

贈李德中進士

客路頻年計轉窮賴君昕夕慰飄蓬雨前茶味咀春露飯

後鐘聲納晚風賦奏上林誇繡虎車驅下澤愛雕蟲

德中極愛

予慚予也立程門雪桃李薔薇共一叢

金方籀孝廉招同李性若過集寓齋

天涯高會幾人存欲別還畱共此尊客裏盤餐偏雅潔城
邊瓜果舊殷繁祠堂雖近權移榻襪襪頻來別啓門野館
一花何鄭重風流得似苧羅村

時有妓在寓

贈別李性若

客况誰憐宋玉悲因君入寺不攢眉彩毫落處雲烟滿玉
塵揮來月影移醉後偏饒神女夢歌成惟許謫仙知可堪
南北齊分袂驛路斜陽獨詠詩

次韻酬別李佳木贈別之作

秋風初起忽離群戲馬臺前最憶君作客不除莊鳥病懷
人偏賸陸機文講堂夜立師門雪歸路朝看子舍雲爲約
南池更相訪晚涼森木雁聲聞

時予將以杪秋之濟寧未句用朴工部南池詩

壽程立菴宮詹五十

江天笙鶴噪霜晨欲綻梅花處處春甌卜名原膺帝簡

唐用

明宗

錦還榮倍及先人

用唐詹事張行成事

金門久已推仙骨綠野

終難隱健身自是黑頭須作相沙堤風暖踏翔麟

署中卽事示方象山

歸去蓮池水一灣何如此地當扁關市喧不救衙齋冷官
拙能容幕府閒永夜啣杯邀短夢終朝引鏡惜衰顏春來
驛路東風暖岱嶽尼山共汝攀

望家書不至

遠趨幕府動經年底事懷家客夢牽五十日來無半紙一
千里外似窮邊老親藥盃稜應減病婦蓬門矢或懸祇恐
漕艘催納粟夜深有吏索金錢

寄同學許綏人陳季白葉遠思齊念修倪南蔭齊秋

浦黃陶却劉爾雅張如三齊古愚吳弼士張夢敦
從祖彥升諸子

濟上風光引客心，竭來何暇一登臨。樓頭酒祇扃關醉池

畔，詩惟展卷吟。

謂太白酒樓不得登南池，有杜詩亦不克往觀也。

竟日看雲書信

杳，幾家踏雪屐痕深。草堂梅萼知多少，試向南枝代我尋。

寄方井公

素行堂前春色催，紅梅白梅綠萼梅。石罅橫斜都不俗，枝
頭冷暖誰先開。巡簷應許同兒笑，冒雪定知何客來。任城
官舍無一樹，使我南望心徘徊。

喜晤陳函京孝廉和予署中卽事詩卽次原韻送之

北上兼柬邵子峻令弟宣夏兩孝廉

計偕車馬駐河灣，有客來遊夜啓關。廿載何曾霜鬢減，一
編偏覺賦心閒。梅花帶雪初迷路，柏葉盈尊且破顏。更欲
憑君語二妙，杏園春色好同攀。

函京登賢書已廿年矣

得何道岑太守書

黃州太守何道岑，單騎之官行駸駸。屢經佐郡走秦豫，新
擁專城控江潯。地近家園知客滿，書貽遠道見情深。雪堂
未少登臨興，久宦能無寄好音。

除夜有懷

除夕他鄉百感頻，最憐白髮倚慈親。永辭王母將三歲，新

長豚兒恰九旬佳節情知作客苦遠遊差勝在家貧莫嫌
鬚鬢星星出已較安仁老十春時予年四
十有二

立春日贈方蛟峰兵憲

宦遊郎署已多年此日青郊使節專只道西曹甘冷寂誰
知東郡苦喧闐寒帷且喜農星正負插應教膏雨徧况復
瑯琊兼攝篆春風吹徧魯山川

濟署喜晤定陶令馬正誼姑丈

去年長夏彭城路日日逢人問定陶無柰掌書招阮瑀應

憐作頌媿王褒竹林有恨君同慨花萼遺悲我亦勞予從
父薪

孫為君內弟令弟孔璋亦
于至交皆天逝有同悲云
十載鄉園談不盡焉知此地醉

春醪

讀陳天蕊詩有贈

常疑大雅真寥絕讀盡君詩歎不休避地少陵猶泛宅依

人王粲幾登樓落花萬片篇篇好旅雁千行字字幽集中
落花

雁字詩尤
稱絕唱豈獨詩歌是同調寒宵客况一般愁

兗州感懷

兗州城北市烟繁獨立蒼茫感慨存杜老亭臺餘故址魯
王宮殿鎖重門風流令尹祠詩史灰燼遺民說舊藩更欲
驅車濟陰去不堪回首日黃昏

清明將至未見一花悵然有作

官齋冰泮日初融，已是清明二月終。但有數叢芳草色，儘教枯樹老春風。攀條尚且無新綠，入眼何曾見淺紅。始羨故園張仲蔚，攤書千綠萬紅中。

謂張如三讀書勺園也

懷陳默公

老大催人易白頭，羨君家食足風流。阿巢並剪雙雛羽，鄴架勤繙百尺樓。束髮便爲湖海客，歸田猶作稻粱謀。滌岑春色應佳勝，祇恐輕裝又遠遊。

默公有兩令嗣長公大匡吾壻也

晚春方蛟峰招遊南池卽事

故園春色漸應稀，始向亭臺趁夕暉。夾岸桃花紅灼灼，覆碑楊柳綠依依。林烟直欲迷歸路，池水纔能上釣磯。翻愛

北方風候晚，殘春猶得賞芳菲。

每疑杜老南池句，不及南樓樓上吟。亭榭偏增秋水色，表

章因見昔人心。

南池亭榭頗盛兗州城南樓巋然荒臺而已

風光占盡任城勝

地主情同許簿深，更說炎天新漲好荷花。開日共登臨

家書至

乍見家書淚眼俱，老親衰疾未全蘇。官逋賤賣陶潛秫，姊病空存李勣鬚。兒稚授書仍草草，女雛失乳尙呱呱。那堪盡室縈懷抱，二月新亡長命奴。

雨後憶南池酒樓

任城勝地偶經過，尙擬重遊訪薜蘿。昨夜雨聲渾不絕，今

朝春色更如何樓頭好挹千峰翠池上應添幾尺波且喜
滿園數株樹一時回首綠婆娑

三月晦日同吳蠡遊壁如方長參送春示蛟峰觀察
十年風雨滯燕臺此日何期共酒杯作宦未應吟賞倦羈
人偏惜歲華催纔添槐葉三分綠預擬榴花五月開正說
署齋春色好如何又欲送春回

悼幼女阿柔次母氏韻

阿女初生剛兩歲阿翁作客動經年關心不落諸兄後遶
膝應依王母前早是別來成永訣也乘在日一嬌憐還家
縱得號三市灑淚焉能滴九泉

聞王瞻文下第有感

十七年來老孝廉驅車元旦雪霜霑多才久合騰霄漢速
化能無羨里閭試日再更金欲盡禮闈一別淚尤添還家
莫厭儒官冷首猶猶容吏隱兼

喜方爾從至濟署

客路相期是舊年春殘纔許著吟鞭一枝念爾栖難穩千
里令予望欲穿口腹豈同安邑累竹林深信仲容賢况聞
水部猶懷舊李杜池臺地主偏

爾從來訪其從子蛟峰
張水部揆原其故人也

午日有懷

去歲彭城重午日樊桐堂上聽歌聲

萬年少自署
其堂曰樊桐

今年歛

忽逢重午書記飄零復濟城槐蔭當牕隨意綠榴花是處
照人明蒲觴兩度難將母豈獨新添念女情

辛丑生日

獨子蚤孤空老大每逢生日念慈帷兩年弧矢依人過雙
鬢星霜怕母知欲學哺烏曾莫展兼懷舐犢有餘悲那堪
旅况長蕭索依舊彭城風雨時

次韻酬王幼輿進士寄懷之作

結客偏多鸞鳳儔喜聞鶯囀徧皇州名經老我同千佛仙
籍看君到十洲讀罷雄文聲嘖嘖夢回孤枕思悠悠燕臺
不少稱才子年少方今第一流

畱別方長參

憶昔河干攬轡時與君相約共歸期翻飛已覺辭籠晚送
別猶疑出幕遲好友長途堪晤對家人冷署足追隨入門
不待開行笥先報平安慰所思

長參以家書屬予

彭城訪楊士佳吳中黃因各畱飲竟日有賦

空階雷雨動漁蓑蚤有微颺起薜蘿楊子一亭仍寂寞吳

郎雙闕正嵯峩

中黃時膺選州守旌之恩

渡河便覺家鄉近下榻兼

逢故舊多記得去年碧筩飲那知此日復經過

抵舍

六月六日天最炎臨階下馬繫茅檐女雖異物親差健客

不如人吏本廉王母堂前焚素鞵是日承重服闋嬌兒膝下挽蒼髯許多悲喜言難盡新月層層上竹簾

送吳弼士授經和州

吾黨終年道路疲君今書劍又天涯飲殘歲酒行應近看

罷春燈去未遲所主幸兼同譜誼主人亦吳姓地名堪慰故鄉

思地名銅城開裕溪潮起如沿櫂細訪河邨八詠詩

贈林茂之先輩

相逢未覺雪盈頭流滯江南幾十秋詩卷編成憑蠹簡衣

裘典盡到蚊幃施尙白贈先生蚊幃題詩其上亦不免于典質移居知道何山好

近卜築乳山憶舊還增往事愁偶言及鍾譚往且喜虞山存頤

果與君垂老共沉浮先生與錢牧齋先生同庚生

毘陵畱別方象山次原韻

千里來尋剡水濱何期雙劍合延津可憐魚鉢同為客不

惜猪肝有幾人老去擲掄從路鬼愁來顛倒為錢神療饑

畢竟憑吾道未許江湖作放臣

秋柳次王阮亭先生韻

章臺舊夢枉銷魂誰復青青倚市門一縷緜煙猶有力幾

條掠水漸無痕影搖明月清商夜腸斷重陽風雨村別有

踈狂人不識祇應彭澤宅中論

耻學丹楓倩早霜寧甘憔悴卧橫塘鞦韆影靜閒深院砧

杵聲殘冷舊箱絮似雪花俱幻質葉成金色等空王無情
最是香山老不要春風履道坊樂天別柳枝詩今日放歸歸去後世間應不要春風
漫誇翠汁染人衣說向春光事事非媚眼瘦來眠較穩纖
腰削盡舞應稀蟬將抱去還愁落鴉欲藏時却更飛獨有
狂夫垂老淚暗嗟筋力壯心違
老夫心情肯受憐偏于遲暮領風烟碧翰秋水真翻浪白
讓寒花爭似綿轉憶芳菲成往事向畱絲縷到明年相逢
何處看搖落只在斜陽踈雨邊

哭倪南蔭同黃陶邨齊古愚周信臣入山作

乍聽凶聞痛轉猜疾驅山徑問蒿萊束芻滿路情何限輿

櫬當門實可哀老屋數椽差足隱荒田十畝况全開年年

期我剡溪權竟作西州一慟迴南蔭曾期予相訪輒不果

看君腹笥果便便合向人間享大年得疾何曾多病苦傷

生畢竟是憂煎傳經肯輟書堂講屬纊終推地主賢聞道

瀕行真易簣曾元樂正侍床前地主謂舒人葉汝錫也

君自長畱身後名獨悲吾道失干城多才未肯輕然諾負

氣偏堪託死生不分龍蛇逢歲厄忍將車馬荅交情今朝

奠爾床頭酒半月前曾約共傾

新句曾從梵剎聞虫聲清切聽中分兩月前以山剎虫吟四章見示多悟後語

今成絕也疑竟似無生偈豈料真成絕命文遊草尚霑庾

嶺雪

粵遊有
曇瑞草

吟身猶傍魯饒雲

家居有
北窻吟

那堪亡友詩盈帙

點檢遺篇又到君

子輯亡友吳南蒼方子畱陳子垣
方井公遺詩為一帙將合梓之

年來生計苦遨遊死去誰為善後謀婚嫁諸兒全未舉田

園兩地半難收寡妻爭得持籌辦稅吏惟知按籍求不少

舊交稱杵臼可無孤劍挂松楸

送陳大匡壻遠遊次徐羽先張夢敦韻

畫鷁頻催向遠汀斑衣不異在家庭好因舊雨招新雨定

許文星敵使星楓葉落時天漠漠蘆花泊處霧冥冥舟行

倘入芹溪便莫惜攀蘿訪幔亭

大匡時隨尊甫
默公出遊閩越

贈門人高旦今時初補博
士弟子貞

少年稽古似桓榮果有文譽敵爾京額減倍增才子重首

掄叠見主司明

旦今兩試
皆冠軍

香生芹水東堂桂春入鱸帷上

苑鶯吾道祇今推後起看君取次領時名

鄧東之徵士擬同方奕于司理徐羽先山人李士雅

學博陳默公樞部及予六子築室竹溪為詩酒之

會猶以予應科目為嫌詩以解嘲

六逸風流異代豪聞君亦欲築東臯春花泛酒溪聲亂秋

月談詩樹影高蓮社尙能容靖節竹林何必少山濤莫嫌

伏櫪雄心在憔悴安仁已二毛

木厓集卷之十九 終

木匠集卷之二十九

七言律五

黃州贈宋牧仲通守

廣平門第本翩翩三十通侯正少年
劇郡倍徵經術重才人誰信簿書賢
褰帷野外萑苻盡輓漕江臯芻粟全莫道
一官憑世胄贊皇相業是家傳

梁苑曾陪執簡賓相門三戟最嶙峋
如何澤國巡行吏却借先皇侍衛臣
宋玉風流需後起子瞻詞賦悟前身
當時二客知誰似或是江湖羈旅人

雨夜王寶臣招同鄭巨源過集卽事賦贈

始興門巷舊烏衣
好客新開白板扉
半放紅梅嫌雀啅
雙垂素幔倩人揮
邀來酒伴拚同醉
誦到詩篇不肯歸
却恠數聲簷溜急
似聞春夜雨霏霏

為憐久客解寒衣
招我移床傍竹扉
說向馬牛憑世法
興來盧雉儘君揮
愛含飴食呼孫出
思買山錢望女歸
令壻黃攜

宰時為會同令

莫訝殘冬太多雨
歌成白雪已霏霏

寶臣以新咏見示

送高荆珍參軍入覲

長才偶爾佐朱轡
到郡何曾席暫溫
纔報參軍摧鐵壘
甫自

西山凱旋

又隨計吏謁金門
論功定奏天官最
入對應聞長者

言若問楚師宜善後
賜租父老望君恩

聽王寶臣談青峯巖之勝漫賦

客路飄零酒興賒
聽君選勝話烟霞
水行石底流仍出山
立門前翠可遮
秋後栗柴供楫楸
雪中料樹繞梅花
廿年踪跡曾棲此
恰稱桃源隱者家

大小崎山勝境賒
青峰巖上足雲霞
偶逢文石沙邊見
暗護茅堂樹影遮
是地有泉堪挹水
滿園不種自生花
看君說到幽深處
我欲移來此卜家

贈徐亦史明府

時為黃岡令

卅年詞賦領鄒枚
試割偏饒作吏才
訟牒閒來馴鳥雀
軍儲輓盡憫蒿萊
宦情冷似東坡雪
鄉夢清于鄧尉梅
獨有

南樓猶不減百花深處講堂開

徐吳縣人

君才自足直承廬何不爲郎典石渠賦就新篇循吏傳構
成小閣逸人居一尊鮭菜清齋後半榻琴書退食餘我欲
床頭拜詩史竭來非爲嘆無魚

寄壽與踈師六十

杖錫歸來二十霜弟兄投老共行藏募成寶殿頭先白定
起空山草自香一部日抄持佛號幾篇詩句挂禪床遙知
舊識諸緇侶魚梵鐘聲禮藥王

蘭若西偏樹影虧山房曾許結茅茨攢眉敢學淵明達煨
芋惟應懶贖知龕室構成無鉢袋僧徒散盡一沙彌黃州

老布猶堪著憶爾寒燈補衲時

送袁舜玉還歸德兼懷陳簡菴

送客臨岐歲欲闌滿天霜雁白漫漫經過楚地山應少待
到梁園雪未殘長鋏干人同我拙短衣貰酒念君寒谿南
舊識如相訊行路爲言此日難

寄懷從祖拙菴公兼呈劉瑞堂太守

十載萍踪五嶺烟依劉仍喜到花田故人夙約知難却舊
地重遊信有緣此去棠陰千騎待向來草檄百蠻傳也須
猛憶家門事莫更栖遲年復年

昔年久客廣州入郡丞劉公幕今劉復拜太守又將

借行

劉公雅望重南金豈獨交情素所欽并未選錢緣底事偶
然滅火是何心貪泉再飲清逾冽意苴能明恩始深不是
瀕行復攀挽那由重到曲江濤

劉以廣州丞擢慶陽守被
誣不果行今事雪仍補廣

聞劉爾雅除廣昌令却寄

雲中西去是王程美爾分符此建旌二月之官剛望雨十
年乞祿始專城地臨紫塞防兵駐路近黃河候吏迎况有
雁門新太守平生世講最關情

大同高太守
爾雅世好也

桑乾河上水潺湲叱馭遙從薊北還久歷風塵行路熟不
携妻子假裝閒雲迷絕坂飛狐口雪壓層冰倒馬關頓使

故人遊興冷任君拄笏對香山

赤壁懷古

霸業三分憑赤壁詞人兩賦屬黃州長江不斷千年恨寒
月能傳異代愁檻外殘碑空點畫堂前遺像渺風流祇餘
一片磯頭石曾博東坡與客遊

寄示兒仁樹

臘殘尙擬策歸鞭歲事憑將汝母傳祀竈香燈同祖廟上
墳蘋藻勝賓筵好偕幼弟陳椒酒早向先生送俸錢放學
未應虛講誦明年已是棄繻年

僻巷柴門修葺難茅齋洒掃未應寬纔移芍藥須防護新

長篔簹莫斲殘散學休尋頑友戲登堂常問老親安仲謀
致遠憐渠小爆竹階前仔細看仲謀致遠
兩小兒名

王寶臣得古鏡土中賦詩索和次韻荅之

雙龍蟠就古銅花亂後多應出內家照去幾經迎曉日粧
成誰與折春葩也隨冷艷歸黃土尚有斑文染碧霞高士
鬚眉堪對汝莫同釵釧鬪鉛華

立春日東何道岑太守

纔聞朱鷺鏡歌徧忽報青陽斗柄新官閣梅花剛滿路雪
堂冰譽本無塵東風一夜回寒谷大市于今見醉人應有
餘波及羈旅安仁鬚髮也生春

立春日值坡公初度何牧五携酒赤壁醉之限春字

壺觴歲歲拜詞人

牧五在黃歲舉
酒醉坡公初度

却喜今年景物新風暖

恰回芳草色雀飛剛值昔年晨莫吹葭管還吹笛欲薦椒
漿且薦辛記得寓黃經幾稔可曾逢著一迴春

次韻和王寶臣同飲劉虞三紅梅花下看余山人寫

山水作

殘年人事任紛紛携手看花且樂群檻外紅粧窺馬帳窻
前白練寫羊裙風生檀板歌偏好聽余山
人度曲香入椒盤酒倍

芬忽憶故園桐樹下十分春色減三分

紅梅在桐樹側吾
家亦有此今夏梅

忽仆
矣

次韻和王寶臣立春日傷隣家伐柳之作

爲愛垂楊願結隣一枝分得兩家春
卽看嫩縷搓成線忍把長條砍作薪
翠汁可堪貽逸老纖腰無復鬪佳人
幽居自有梅和竹不用淒涼漫愴神

寄壽陳樂峰封翁六十

先生意氣似元龍投老林泉手種松
雒下耆英推舊德太丘家學擅儒宗
宮衣早戲庭前綵佛果時聽野外鐘
莫向鹿門思采藥少年天子正臨雍

倪南蔭向許以粵中生香家園藜杖見贈未果今卽
世半載矣藜孤持以貽予愴然有感

曾荷亡友輕相許餽我生香與杖藜
香是粵裝畱在匣藜從山徑種成畦
每思爐火閒時爇亦擬林泉險處携
却待孤兒始持贈墓門春草已萋萋

種福菴卽事贈中素上人

年年觀獲憩禪關出世如君也不閒
爲厭舊基隣野店欲將孤衲挂荒山
編籬成樹桃椿活蓋屋無茅稻草艱
預擬今秋營佛殿不知破得幾人慳

次韻和汪瑤若荷亭詩

聞說新開池畔亭荷花白白竹青青
凭欄一憩風前蝶遶屋群看雨後螢
全讓林泉收暑氣少安牕戶礙春星
何當

倚杖窺玄草坐我滄浪玩八溟

次韻和方還山輓陳子垣嫂夫人

霜帷夜泣每知聞憔悴孤鴻獨叫羣
一死纏綿纔決絕六年膏火自煎焚
復衣尙憶黔婁被薄襖難存德耀裙
地下若逢荀奉倩好將簪珥助修文

方干赴弔露漫漫袖出詩箋墨未乾
爲挂壁間和淚落倘聞泉路亦心酸
未亡自幸從夫好相見能無念子寒
常恐床頭辜付託和歌容易踐言難

壽楊殿卿揮使

弘農勲爵勒鐘卣棨戟先朝寵遇優
竟未封侯同李廣尙存遺老似楊彪
功成轉漕黃河日望重歸田綠野秋
况有鹿門偕隱約龐家清福卽丹丘

送程立菴學士奉使冊封安南

鳳詔纔賡四牡歌臨軒親遣下鑾坡
珊瑚入貢桐方翦翡翠來巢雁正過
秘閣詞臣新墾節遐方君長舊山河
時平不用標銅柱始信相如勝伏波

一代才名重制科使星臨處待鳴珂
閣門帖子憑揮灑異域碑文儘塌摩
好跨天閑肥苜蓿早沽蠻酒度牂牁
主恩虛席需公等莫到春深瘴癘多

輓祝山如

誰遣西風鍛羽翰半生跼踏老儒冠移居祇為從遊衆學

賈其如付託難曾以館俸付僕為賈竟耗去斷酒太嚴終不免著書將

竟惜猶殘所著竹窻迂話尚未卒業共言絕筆遺詩在寫向空堂掩淚

看

老去婆娑寄此身硯田耕織未全貧異書不厭從子假屢

子借書 往事偏爭逸史真每與君言無俗諦可憐吾里失詩

人妖狐毒蟒曾何限一問蒼天一愴神

憶昔徜徉桂樹陰草堂瓜李共浮沉手携書卷來相質眼

見鬚眉老未侵從道本初多勝會却逢莊舄獨悲吟今年夏同

汪瑤若飲子家携所著迂話相質及如何同別汪郎去不

觀容顏直到今

喧市叢中獨閉門授經儘足度晨昏無田不受輸租累好

客時聞學道言詩選千篇親校梓自訂樸巢詩集十卷鋟板行世兒歸萬

里復生孫令嗣流落十餘年始携子婦歸須知身後無他恨滿架藏書欲

斷魂家藏書極富

壽王冕亭學博次鄧顛厓韻

講席虛糜服政年何妨需次暫歸田喜聞烏鵲傳來信時

弟捷于嶺右 閒引鷓鴣讀倦眠叱馭會調花縣雨聯床猶憶秣

陵烟期君急副蒼生望我已甘心手一編

灩霍山頭聽玉笙還家不羨步虛聲携來錦字存丘壑買

得茶槍試鼎鑪世法自然松勝菌官田安見秣非秔八州
佇報分陰惜運甕何嘗負士行甕亭方遊霍歸携
新詩與六茗甚富

次方還山韻贈別徐羽先

五年前憩小齋頭竹雨梧風共此秋別去畱詩人宛在夢
回得句好誰酬披裘偶入襄陽市扶杖還思谷口幽尙憶
茅堂曾信宿湖村何日許同遊

張夢敦新授庶常賦寄志喜

忽傳金馬召鄒枚仙仗初臨曉殿開影動閣藜新視草衣
披宮錦舊栽槐宏詞自合居清秘卓識還應擅史才更羨
銀鈎書法好紫泥斑斑管待君裁

中秘吾鄉累著聲遭逢稀得似張衡萬幾親御龍顏近上方

親一命新馳雀髮榮時有馳封之典盛世文章堪報主高堂山水

尙怡情期君好展絲綸手莫負深源舊日名

九月晦日同方還山鄧顛厓西山送秋因過荒齋小

飲次還山用顛厓首句韻

游人無計挽秋歸踏遍秋郊秋色微稍喜寒蛩猶不去生
憎社燕輒先飛霜楓欲染青螺髻池水如窺白氎衣野色
明朝應未減不知何故惜殘暉

游人無計挽秋歸悲者常情愛者稀桃李但爭隋苑綵菱
荷誰戀楚臣衣茶香野寺僧原靜竹冷山房雀不肥蠟展

憑君收拾盡一尊重許到柴扉

又次顛厓韻

游人無計挽秋歸白日荒荒烟靄微落葉一堆楓漸盡摘
花滿把菊初肥幾家茅店寒依郭到處僧寮靜掩扉不分
西風輕作別吟詩今得兩玄暉

荒庭梧葉盡辭柯賴得青青竹影多宋玉不悲人亦老王
弘有酒客剛過每思闌入者英席可許同謀安樂窩爲約

明年看秋色龍眠深處買山阿

時有買山之約

又次還山韻

游人無計挽秋歸一任荒郊白露晞紅葉直拚辭樹底黃

花翻欲傍簾幃天邊織女銀河沒塞上征夫鐵笛非惟有
怨鴉聲不斷雪霜落盡尙依依

游人無計挽秋歸却向西山送夕暉霜後怯看良夜月風
來誰擣舊時衣筐藏紈扇湘簾密酒泛羊羔稻蟹稀尙憶
江天秋色好落霞孤鶩一齊飛

自桐城至定陶道中口號

湖田賤賣債全還底事新逋積更艱爲母構樓營木石與
兒完室買釵環情知糶穀徒剜肉預恐干人已厚顏僕馬
蕭蕭風颯颯也隨計吏度間關

時公車諸子偕計北上

鎮日家居不覺寒出門霧雨便濛濛露衣未怕行囊濕灑

道聊回塵土乾酒爲力微臨卧酌飯因米惡待饑餐幾番
蚤起天昏黑十月終旬月已殘

舒城城北宗家店十載前曾此問津晝短難容中夜假霧
濃生怕雪天真橋逢獨木頻驚馬路遇雙叉早問人稍喜
僕夫多舊識今宵旅館倍情親

村醪一盞不成酣纔上征鞍又解驂馬倦倍憎行李重僕
痛翻令主人慙防稱暄熱遭風變筭定程途被雨耽一夜
凝寒衾枕凍起看微雪似江南

雪後新晴煖未迴僕夫趁凍已頻催雞啼遠店星猶動鴨
宿沿河夜不回處處土鍋當戶置村村石廟向南開蹇驢

破帽吾憐汝可是山陰訪戴來

馬上連朝耐苦辛祇愁雪夜與霜晨回頭向日寒微撲
面迎風凍欲皴北麥南禾都苦賤居人客子盡言貧家園
若不饑驅迫剪燭圍爐過小春

壽春北去古蒙城極日寒煙一望平爲趁前程泥僕飲怕
差岐路逐商行纔安寢後車夫鬧剛出門時店主爭老大
年華筋力減等閒乞食作長征

客夢頻年不戒裝惟將行止僕夫商沿門餽首拋錢走當
路薑湯駐足嘗飼馬只圖尋小店問人偏喜說他鄉獨憐
道左埋碑碣不許停鞭一審詳

渡得黃河不論錢饑鳥叫雪倍悽然足緣晨冷寧徒步手
爲風龜怕捉鞭到臘爪條青轉脆先春芹菜翠尤鮮白頭
野老能畱客不待黃昏已醉眠

游子無端賦北征荒原古戍不勝情麥憑牲踐方經旱楊
隔年椿轉易生每過市城詢土俗喜聞父老說官清明朝
準入陶丘署話盡家園到幾更

劉綸之性之招飲賦贈

劉家兄弟重交親往事因予感慨頻江縣甘棠先世澤尊公

昔爲吾郡望江河橋衰柳舊京春曾僑居秦淮讐書閣上藜猶

在賜第城南宅尙新不是醇醪公瑾似何由一盞便醺人

贈李經伯司理

程門曾忝逐班隨十載神交御李遲官任懶爲司法吏家

貧甘作授經師孟中羊牘何曾見鏡裏粧臺耻再窺時方悼亡

矢不娶彩筆向來推領袖那知古道照鬚眉

曹熙載招同張龍弼彭鼎若過集却贈

多君兄弟擅才華幾載曾聞大阮誇不有依劉應下榻鼎若

時寓曹宅偶然訪戴便還家偶適曹州聞子至卽返銜杯似覺風全轉投

轄焉知日已斜尙憶何郎東閣好一鞭容易別梅花曹州何天

咫尺兄弟畱信宿有女郎佐觴

曹允升招飲賦贈

天涯飄泊伴風塵高誼如君復幾人牽犬正忙猶好客時方

嫁女登龍纔遂便畱賓酒筍秫稻偏經醉燈剪蓮花不待春

古寺蕭蕭霜月冷且圖數日作比隣尊居距予寓數武

贈李大來先生

半生踪跡隱青門萬石家風晚更敦文獻胷蟠十七史詩
篇力敵五千言老來謝客吟偏王交到忘年道倍尊不是
詞場遇耆舊旅人誰與共晨昏

李大來以詩四章見贈盛稱松聲閣集並及拙草仍

用前韻賦謝

雕虫何敢叩雷門投贈因知友誼敦敦偏到異鄉多好事不

逢同調肯深言品題儻父騷壇重推許文宣講席尊歸去

庭闈時定省朗吟佳句足晨昏

李吉六以至日微雪見和之什惠示仍用前韻酬之

雪裏袁安不閉門君家慰問意尤敦壺觴又醉賢人酒尊公

大來先生與張龍彌適携酒至敝止詩律兼聞長者言霽色一庭寒漸減風

流二老道原尊興酣欲和陽春句送別禪扉晝已昏

張龍彌以至日無炭詩見寄兼貺酒饌次韻招之

底將壺榼餉寒儒不買烏薪撥火爐雪後恰逢長至好天

涯應念隻身孤歸心怕觸晨鐘起詩思頻呵凍管枯賴得

官齋分獸炭肯來同入醉鄉無

李孟一招同田任衡過集家園卽席賦贈

蚤聞先世領詞壇想見高風古木寒章水家聲仍爛熳先世

自江右徙至陶濡須遺愛未凋殘尊大父曾任無為多善政奇書不惜教人購

冷蕊還期送客看步履最憐三徑好往來再勿費盤餐

次韻和李大來見訪僧舍看瓶中蠟梅之作

莫向空階鬪歲寒一枝斜倚碧琅玕高人載酒饒幽興老

衲焚香許共觀檀口微舒纔有伴冰稜欲放尙無端紙窗

月落朦朧影也作江南烟雨看

燈下觀瓶中梅花

鎮日淒涼傍筆床今宵獨對領幽芳爐烟裊處疑生霧酒

氣衝來暗有香怕汲寒水分硯水頻移踈影近燈光相憐

若不相逢早又伴羅浮幾夜霜

贈何龍圖

閱盡滄桑學隱淪相逢猶憶舊交親圖書細檢身原健婚

嫁初完家始貧一榻每畱徐孺子鹿門常伴謝夫人尊夫

懷韞有文名看君投老多清福殘歲過從莫厭頻

次韻和李大來同張龍弼何願如見訪畱飲之作

勝侶頻過掃榻塵共依爐火倍情親傾來栢葉分官醞時官

厨餉酒寄到梅花感故人方蛟峰觀察書至見招話似夜長偏耐久交

如年近樂迎新莫嫌促別為懽少贏得張衡又幾巡楚黃張師

石後至已先
我而歸矣

除夕同馬正誼姑丈守歲

年年長缺向人彈又滯他鄉語夜闌老至愈嫌駒隙迅貧
來翻覺浪遊安夢回子舍屠蘇冷坐到官齋蠟炬殘也當

阿咸同守歲明朝椒酒先春盤

先去聲

丁未元日

元日常年多禮數客中獨坐且忘機禪堂叩佛香烟靜鬧

市逢人拜揖稀餛飩謬隨風土變

山左元旦食餛飩

屠蘇不覺故

鄉非

時飲官署

獨憐白首嗟行役苦憶斑斕一綵衣

元夜方蛟峰觀察招同吳素夫叩須方世五長參看

燈市上歸飲署中觀劇步素夫韻

纔報春風上碧墀

時以十三日立春

恰逢元夜賞燈時烟花夾市

迎行馬絃管催聲入酒卮繞座盡疑雲母色徵歌誰賦雪

兒詞醉來獨踏天街月不信山公有接離

槐廳火樹暮排衙七寶玻璃六幅紗聞道金吾停漏鼓移

來錦障罩雲霞風飄紫袖歌三疊影入青藜動九華客况

最憐人靜後橋頭月落聽悲笳

次韻追和雲姬元夕見懷詩

記得燈宵鬧火城君愁我亦覺愁生懶聽官舍吹長笛早

向僧寮剔短檠

是夕方觀察招飲署中張燈演劇予策馬先歸僧舍

匹馬獨行衝露

氣孤鴻暗度送寒聲步檐徙倚曾看月似爲離人不肯明
贈百三歲翁趙撝謙先生

幔亭雲氣接西清聊作中原采藥行到處爭迎薊子訓前身應是管公明鶴從緱氏山頭見丹向軒轅日裏成常恐先秋似蒲柳可容肘後學長生

贈郭孚吉孝廉

山左舉鄉榜第五

有道才名本絕倫賦成魯殿果嶙峋仲舒氣象覘三策杜牧文章第一人書重國門京洛紙花明上苑曲江春韋家父子傳經久取次還看接後塵

登岱

玉殿高居聖母宮翠微縹緲下天風
雀纔飛處雲俱白鷄未鳴時日已紅
我欲騎猊驟太乙誰人倚劍薄蒼穹
却看斗大城何在雉堞全浮烟靄中

天門駘蕩俯神臯五色芙蓉萬里高
不分竹溪歸李白肯將藤杖學盧敖
石根積霰巖常凍樹頂無風松自濤
回首可憐黃峴嶺花開處處是櫻桃

手招鸞鶴睇高冥似有雲璈喚客聽
河勢北來搖地軸海天東去接滄溟
烟籠魯殿千層碧日射齊州數點青
幾向雪堆尋舊蹟蒼苔猶護百王銘

晨霞早見樹光圓一片晴空雪後天
秩祀虞書傳幾代壇

水月集二十一
壘秦時始何年翠摩碧漢青徐迥影落黃河吳楚連不是
經過華峭下焉知此日是登僊時自歷下至泰安
絕磴盤紆霄漢分到來鐘磬半天聞流澌直下三千丈燔
燎曾傳七十君歇馬傍崖懸臘雪曝經有石煖春雲金泥
玉檢俱陳迹誰繼相如封禪文

累朝封蹟已成荒尙有雲霞覆御床石洞煙迷龍蛻骨芝
田花煖麝畱香磨崖可惜當天寶無字何嘗恕始皇日落
扶筇歸路晚滿山嵐氣濕衣裳

極目中原攬八荒振衣千仞路蒼茫浮雲不斷吳天白殘
夜遙生海氣黃汶水自來還自去傲傑時見亦時藏一從
尼父登臨後收入文章讓子長

平生登眺興悠然此日凌虛信有緣秦媪合膺坤母號秦
松豈藉大夫傳中原山海尊前出下界雲煙杖底懸老我
未逢婚嫁畢徧遊五嶽是何年

携得孤筇不藉扶瑶壇太古憶玄都丈人峰頂雲何定王
母池邊水未枯洞口幾曾容鳥過林中時覺有僧呼年年
上巳舉芳杜得似今朝被襖無時值上巳日

也乘昏黑謁金門一路丹梯燈火繁盤磴與人橫似蟹攀
藤香客捷如猿瑤華欲採連雲上屐齒頻穿倚樹捫石屋
黃花猶未到何時重與問真源後石屋黃花洞俱泰山勝境

次韻答方與三見贈

遊子解裝剛雨後，羈人歸思已花前。且畱數日萍蓬跡，同和當時李杜篇。老我渾忘行路苦，因君始憶別離年。預期後會重追溯，記得南池共酒筵。

方甥當時完室賦贈

似將瑞雪訂佳期，梅萼含香正及時。聞道荆釵能咏絮，且移花筆學描眉。阿翁若見應增喜，若母雖歡不勝悲。辛苦半生今有婦，好調琴瑟捧槃匜。

年少今當嗣續初，鳳簫新迓紫鸞車。回思吾友求佳壻，謬以予言擇魏舒。冢子承祧欣有託，少君始至待何如。相傳

博議粧臺就計日，來看爾著書。

吾友馬孔璋壻

丁未雪夜同綏人宿湖南草堂感賦

廿載湖南繞夢思，與君同到話淒其。最憐烏綵悲翁日，猶憶牛衣語婦時。破屋記曾親聖壁，荒田讓與姪扶犁。于今五十纔生子，勺水應須告祖知。

秋荷

次方還山韻

田田踈葉點林塘，獨向寒烟倚淡粧。孫壽欲啼朝露濕，太真初浴晚颼涼。紅裳漸褪猶勻粉，綠扇將收不待霜。祇恐西風搖落後，蕭蕭夜雨怨吳娘。

秋鶯

尚存紅樹挽黃鸝欲別頻啼惜此時日午猶調將澀舌風
淒休踏最高枝花殘上苑知誰戀夢破遼西覺更悲從道
詩腸資鼓吹聽來已似晚唐詩

秋荷

贈還山再次韻

炎威歷盡傍寒塘肯逐葵榴鬪艷粧初日照來還灼耀悲
風偶至覺淒涼晚香尚可紉爲佩墜粉猶堪嚼作霜冷韻
孤情人不識花中合號杜秋娘

秋鶯

好音數徧是黃鸝聽到花殘木落時曉露漫藏芳樹底春
風曾囀上林枝情知鶻馱都無語不分寒蛩獨善悲何必

雙柑始堪賞酬君斗酒報君詩

秋荷

三次韻

西風一夜冷銀塘尙有紅蕖拭薄粧太液池前和露語若
耶溪畔浣紗涼香分桂子同看月白讓蘆花獨耐霜可恠
天邊度牛女幾回淚落采蓮娘

秋鶯

誰把金衣喚阿鸝半年紅紫歇芳時似憐叢桂開同色直
待黃花綻滿枝清囀欲分蟬噪靜嬌啼不和雁聲悲應嗟
宋玉何多感譜盡人間秋興詩

秋荷

四次韻

金風消息到方塘已見飄零減素粧僂耳四時那可得

儻州

有四季荷花 延清一賦到今涼 宋之問有 滴殘翠蓋經疎

雨粉落青房釀薄霜誰料姮娥秋夜冷玉簪猶贈擣衣娘

王元之詩有姮娥墜玉簪之句

秋鶯

枕簟初涼忽聽鷓鴣夢中猶似早春時莫將楓樹霜凋葉認

作桑條椹滿枝飛過短墻雙柱澀咽殘清露五更悲詞人

不解秋聲好只咏桃紅柳綠詩 摩詰詩有桃紅柳綠之句

秋草 次方還山韻

平蕪如剪遍長隄吹到西風綠不齊霜淨儘容鷹隼疾雨

昏難聽鷓鴣啼池春有夢經年斷野燒無人一望低賴得

窻前生意在肯教桃李獨成蹊

秋燕

珠簾掠尾日頻過水冷銀塘可若何王謝堂前雛漸長昭

陽殿裏妬還多翩飛猶作回波舞絮語如翻折柳歌記取

舊巢泥未落明年春色早婆娑

秋草 再次韻

一片秋容冷大隄淡黃淺綠暗中齊漸同短髮蕭蕭瘦不

分流鶯恰恰啼咽露寒螿吟較濕隨風螢火落還低主人

書帶無情緒借爾扶將菊滿蹊

秋燕

三山海外舊經過欲去其如秋色何領取西風剛一半待
來此雁已無多玉釵空惜深宮樣紅縷誰題怨婦歌未到
秋時猶是客雕梁清晝足婆娑

詠懷詩次方李鄧陳四子韻

年少曾銜風樹悲祇求慈母壽無期承顏不若能承志學
岳母寧且學尼樓閣清閒常誦佛庭闈至樂是論詩荷衣
倘足充萊綵漫許人間甲子知 祝壽母也

卜得先塋傍練湖

先君子歸窆橫山之麓

三喪未葬尚榛蕪雖然黃

壤終成土畢竟青沙可是珠雀返何年華表沒牛眠到處

夜臺無河山百里猶難徧莫問天台採藥圖 思為先人

卜兆也

耽却兒曹是遠行歸來教子不求名早年空叶維熊夢晚
歲彌深舐犢情累世青箱應有託而翁白首已無成但勤
紙筆吾甘老卧聽書堂夜讀聲 訓子也

潦倒交遊一老奴于今宿草渺難求魂依蛟渚論文日

射謂

蛟臺胡子允即公方蛟峯象山諸子

淚滴雞壇問字秋

謂聞雞草堂方子留臧壽平諸子

綠

綺欲調無叔夜黃絲待辨失楊修每當寒雨挑燈坐苦憶

風流在石頭 懷舊也

自分才名惹世疑留將肝膽託心知彈冠結綬緣何事割

席揮金共阿誰穩喫菜根終是福難拋雞肋究無裨惟餘
一卷常來往話到燈殘酒渴時 勵友也

吾黨漸多泉下人遺孤頭角頗殊倫可憐父執情纔見翻
恠兒曹性不馴是事難逃三寸管幾人能駐百年身平生
意氣懷嬰杵忍使西華泣路塵 閔孤也

生平著述幾堪侔說到名山亦可羞爲問多才王短簿何
如博學賈長頭子雲異代須相信玄晏何人肯漫投點檢
奚囊心血在廿年膏晷不曾休 輯所作詩文也

安得山居任杖藜門迎芳草碧萋萋深埋土室依巖穴小
築茅亭跨淺溪雪裏擁爐傾綠蟻春來遶樹聽黃鸝支公

死後人情薄萬里橋邊一灤西 思買山也

借得書來不筭癡吾鄉風雅富文詞登朝指佞堯階草在
野懷忠漆室葵自是前人多秘笈非關太史不陳詩按羅
倘盡粉榆勝豈獨丹青李伯時 蒐輯桐詩也

微名敢望太常銘但冀藏書夙願成著作豈能驕卓氏窮
愁原不負虞卿千金臺上知無分萬卷樓中寄此生焉得
盡按東觀秘牙籤錦軸舊家聲 思購書也

十載萍蹤怨蒺藜隨風常渡白雲溪曾遊梁苑饒歡會 丙

遊歸

再別南池倍慘悽

丁未遊濟寧痛
方蛟峯之變

赤壁山高臨絕壑

甲辰遊

毘陵花發滿前谿

癸卯遊

幾回漫滅懷中刺羞向

朱門拭淚題 紀遊也

邊臣幾載冒風霜上谷興元風土涼
棧閣踏殘圖陣沒黃河歷盡塞垣長
檐帷久已歌襦袴裋褐曾難蔽
襖襠賴得歸田筋力健詩成吟咏不悲傷
咏方還青也

嶺嶠歸來名更高登車曾許建旌旄
十年一劍肝腸冷萬里孤臣涕淚勞
伏几但知工筆槩出門不敢近弓刀
滿懷奇字無人問風雨荒村貫濁醪
咏李芥須也

曾叅帷幄佐綸扉倚馬頻看露布飛
白袷歸來無長物玄纁辭去有先幾
苦吟客到歌聲滿厚祿書逢故舊稀
一自北山依墓側手栽松栝漸成圍
咏鄧顛厓也

釋褐登朝矢素絲豈期中路願多岐
延清已足稱三絕盧照那須賦五悲
薄海擧芳求友日深山煨芋學仙時
文章一代推燕許何況義之又有之
謂令嗣大匡綏四咏陳越樓也

獨對殘編發浩歌閉門偏值艾張羅
憑他當戶鋤蘭蕙定有山中帶薜蘿
季野陽秋阿世少汝南月旦觸人多
從今不敢言臧否結伴江頭挂短蓑
自述也

冬懷詩次方還青韻

瀾空又見朔雲稠秋去方知不似秋
老至爲誰按馬薦窮來無計挽羊裘
三回節盡三詩送一度梅開一雪酬
偏是夜寒吟較苦燼花敲落滿燈篝

掃罷庭除木葉乾，撐持病骨一凭欄。
哀鴻帶箭驚心聽，餓雀爭冰冷眼看。
冬暖幾人知曝背，夜長無事當加餐。
繩牀鎮日惟高卧，自笑能爲管幼安。

老大催人易感傷，漸題春帖到茅堂。
心如律管憑灰冷，身似寒柯戀夕陽。
雪厚敢期蝗盡絕，天高且喜雁于將。
野夫送歲無他願，惟祝年年足稻粱。

終年染翰鬪機雲，點檢殘篇盡可焚。
唱和略如王朗譙，窮愁翻爲退之文。
但能煨芋衡山寺，何必鋤瓜漢水濱。
識得榮枯都是夢，冰心長託歲寒君。

齷齪家居又一年，誰從白屋起寒烟。
情知因熱難炊竈，尚

擬開春早扣舷

來春將有吳越之遊

成佛悔教居謝後，千人幾見有

王前且煨榾柮，鑪中火熟讀南華秋水篇。

昨歲曾依荀令香

訪馬定陶明府

雪埋古寺坐胡牀，尋梅難似尋

村酒，選句嚴於選佛場。寸草夢回思子舍，尺書郵到愧元

方

方觀察貽書見招

當時祇爲饑驅出，羞澁依然一阮囊。

苦寒未忍縱高眠，閒把心情語阿宣。
畫但可觀寬履鼎詩，雖絕好忌狐禪。
打門莫厭催租吏，上塚須乘未雪天。
辛苦北堂勤梵誦，夜深長跼覺王前。

湖海元龍本自雄，索居難蔽雨兼風。
但聞赤鳳皆成怨，便祀黃羊爭送窮。
八詠何曾偷沈約，五噫徒欲反梁鴻。
閒來

木犀集卷之二十
只任嵇生懶莫怪年華去太忽

有客敲門噪晚鴉休將宦海問京華忍寒最愛冬青樹醒
酒偏宜雪水茶涼月照來無熱骨凍雲驅去宿誰家隋宮
繒綵知多少難剪天邊六出花

寒封三徑欲求誰正是高齋獨寤時宿鳥似曾貪入定征
鴻亦覺動離思飽咀宋相梅花賦力砥劉生冰柱詩一歲
涼暄都歷徧此心惟有雪霜知

木犀集卷之二十一

終

木犀集卷之二十一

七言律六

次韻酬寄徐電發

把臂猶疑是隔晨秋光欲去已三旬編蒲好著玄亭草折
柳休懷笠澤春雀署風清堪下榻鹿門酒熟已無巾狂來
分作閒居客采得芳蘭祗自紉

方甥當時年二十入泮詩以勗之

九萬鵬程泮水前吾家宅相爾先鞭陸機文賦今方作李
嶠科名定許傳舊閱三槐聲久著明秋雙桂色尤妍阿翁
地下應期望莫負慈幃畫荻年

門人楊姬士入泮詩以志喜

年少操觚舊有聲家貧亦得補諸生文章蘇軾猶居次士姬

入泮姓字劉輝未改名曾更名縣試今仍以原名售月旦謬增知己重

冬烘誰議主司明來年此日天香放望爾乘風折取輕

從叔貽孫入泮

司馬箕裘屬我曹喜聞天路獨揮毫玄亭不負傳雄草人綬

庾嶺懸知快鳳毛謂從祖也群從老子憎命達十年識叔是詩

豪紹衣豈獨恢堂構時得全堂已復還望于門自此高

次韻和顛厓語菊

羅衣纔解芰荷香又見籬根傲曉霜簾外新寒誰解護尊

前踈影且相將寧依蘭佩同芳草漫上雲鬟耀寶鑰莫道

鄧家黃白異謂顛厓也潘園秋色正蒼蒼菊有鄧州黃鄧州白二種

三徑蕭條是也非秋風先抱一叢歸看君直欲如人淡招

客安能待蟹肥除却茱萸無酒伴驅回蜂蝶有霜威紛披

猶恐傍人摘為爾肩關護萼輝

誰將書信報秦嘉一任踈籬自吐葩千古幾人真晚節半

生薄命似窮花埤雅云花至菊而窮故曰鞠無言底事臨風笑非泣偏

憐帶雨斜畢竟黃裳稱正色漫勞五采鬪鉛華東坡詩坤裳有正色

鞠衣亦令名

幾番搔首悵斜矐剩有孤情獨對君老我不曾酬白眼依

人似欲附青雲乍臨秋水清如許纔到霜天瘦幾分移向

簷楹避寒沍免教松骨暗生筋

杜詩雷霆劈長松骨大都生筋

錯將時序憶韶年領略荒村有淡烟傲骨幸存惟雨露嘉

名誤玷是金錢

菊有金錢玉錢之名

人中祇合稱秋士方外差堪比

瘦權

僧善權清癯號瘦權

莫向玳筵輕佐酒防他拋擲管絃邊

移來便帶一叢花愛傍書窗竹影斜老圃儘容高士屐寒

郊不駐美人車請看上苑今誰主只有東籬是爾家欲插

滿頭君莫笑安仁雙鬢已生華

隔院風高落木森孤芳只向竹邊尋周遮素壁爲絲幃滿

貯銅瓶卽漢陰幾月預期良夜伴忍冬細訂歲寒心傍人

不識君憐我翻怪狂夫好苦吟

未怕晨風與暮烟叮嚀終日坐籬邊餐英正則猶能賦

菊賦

有慰滿把淵明但少錢問去如何聲尙寂狂來不覺語尤

顛君看過眼花何限不及貞芳獨永年

菊一名貞芳

次韻和顛厓菊荅

何處秋林放晚香北山山下耐風霜

顛厓

長源煨芋堪孤對

芥須張翰思尊好並將

西渠

漢水放臣分雜佩

還山

鑿坡歸客解

明璫

青

河陽滿縣花無數也共諸君問老蒼

閒來久識世情非特傍幽棲携手歸舊譜只憐花意淡方

書底愛藥苗肥後先我自安時命甘苦人猶辨等威黃葉

叢中勞見訊短籬亦覺有光輝

潦倒溪邊亦自嘉折殘堪惜未開葩不知佳友誰如我曾端

伯以菊為佳友半是隨人說愛花送酒漫教衣盡白登高只許帽

微斜年年木落霜飛候力為西風殿物華

半年生事付殘曛畱得寒香一報君廢圃重逢如舊雨閒

庭獨立送歸雲孤懷雅與三秋合俗尚爭從九日分苦被

豪家驅使徧借君石榻息勞筋

生長籬東不計年繁枝亦解傲風烟采菱女伴空迴櫂賣

藥仙人肯受錢尚喜寒芳君有約誰言招隱我無權菊為隱逸

花從今欲問棲歸處多在梅邊與竹邊

知君不羨上林花細蕊寒英相並斜耻向荒村搖酒旆特

來高館傍書車拒霜幸作同時客落葉憐他到處家當日

閒居工賦物如何叙不到黃華

金風浙瀝暗蕭森欲采繁英何處尋為傍詩人因傍酒不

宜霽雨却宜陰巧分芍藥千般色菊有金芍藥等名直現芭蕉百

轉心誰道玄亭真寂寞夜深猶聽爾行吟

日日西村抹曉烟愁聞嘆息菜畦邊得依吾子如連壁一

任園丁橫索錢老我郊寒兼島瘦憑他劉蹶與羸顛不知

歲月今何許只借君詩暗紀年

方甥乘時完娶詩以勗之

木犀集二十一
梅花香又到枝頭恰有簫聲引鳳樓預卜良辰猶迨吉早
諧嘉耦想貽謀步趨須識從兄樂婚嫁纔紆阿母憂轉憶
若翁如及見輸他五嶽最先遊

喜汝婦翁爲父執

齊然四

原因中表締良姻藐孤不負床頭

託快婿還期席上珍此日笥裳殊未易百年琴瑟好相親
雞鳴櫛繼尋常事莫忘熊丸荅苦辛

寄贈葉清聞明府

時爲平江令

才人作吏本風流一水輕帆擁上游講學早窺白鹿洞之
官先記岳陽樓百花靜處琴隨鶴二麥肥來劍是牛久矣
知君湛經術著書名擅古南州

長干道上駐行旌勞向交游問姓名我自國門推柱史君
從何處識鯁生焦桐爨罷猶三弄老驥嘶殘尙一鳴此去
京華望鳧鳥鷓班佇聽尙書聲

出紫荆關

天險何年鎮朔方出關風物便淒涼河流挾石聲悲壯墻
堡沿山勢渺茫磧草纔青來紫燕邊沙欲白起黃羊我來
五月猶如此愁殺軍城賦早霜

廣昌同吳燕公遊泰山祠聽松濤因過馬氏園登縹
緲樓適劉爾雅明府西郊省耕歸同看亭前芍藥
次韻和爾雅

宦游誰解重耕耘爾獨驅車帶晚曛水操儘嘗邊微雪爾

官塞外萍踪曾踏岱宗雲予昔年曾登岱風來殿閣涼初凡五載

起花滿河陽香四聞漫道仲宣能作賦登樓地主不如君

哭鄧顛厓先生

顛厓先生予三十年老友也捐館之日會予有悼亡

之痛思為詩以寫予哀久之卒未就既讀芥須先生

十九首不禁沈瀾之無從矣因步還山無齋兩先生

後次韻哭之韻雖竟予哀猶未竟也聞還山又有五

十四絕句當再取而和之

東南吾道失津梁便覺霜風颯颯涼海底月沉珠有蛻斗

間氣盡劍無鋒龍歸並不畱鱗爪雀去何心戀稻梁太息

悼亡悲未已又將涕淚灑山陽

狎主蛟臺許代興廿年前先生與予操觚肯說竟無憑汝

南人物清流重雒下文章紙價增彈指空花君又逝傷心

碩果我何能胡威宦死方干歿胡栲峰方蛟峰象共占瑤

宮第幾層

交到中流遇險灘門庭寂歷幾任安人皆欲殺扶危少我

盡觀空匿怨難賴有崔公成獨立竟亡鍾子向誰彈篋中

忽檢遺牋在滿紙牢騷不忍看

中年好道頗忘情記得城隅鐘磬清地藏閣六簋畱賓無俗

駕五車載乘卽家聲常憂蒲柳先松栢翻使養施弔杜蘅
悟向繩床垂二紀坡公五戒是前生

里隣春罷欲呼天廿載粉榆信有緣長揖軍門資計畫運
籌幕府賴蕃宣芻茭肯許師中老刁斗無驚閭左眠護得
虬松先隴上霜皮鐵幹尙依然

結伴曾登郭外峰西園修竹北園松吟殘烟水停秋屐坐
到霜林吼暮鐘把酒尙憐澆壘塊涉江猶憶采芙蓉雲間
舊侶今俱在點檢惟無陸士龍

幽棲自署曰薑菴愛傍先塋與佛龕終窶不嫌門近北長
貧仍似阮居南泣攀松栢吟皆血醉灑芭蕉墨更酣三徑

祇今蕭瑟甚憑君詩卷鎮伽藍

金石吟聲響華門和歌一出衆咸尊不知慧業成孤往可

有騷壇樹九原社燕欲辭先結舌秋花未放已銷魂曾與予輩

唱和有秋燕語菊諸詩常言鄙句驅愁好那得愁中細討論先生評予詩愁

悶中讀之輒爲解頤將訣何由入夢思祇緣神氣已先之先生二年前有夢識向平家事

區分早元伯心期約略知任達預爲營壙計全歸豈作鼓

琴悲所嗟病苦經旬日未補淵明自祭詩

垂髫便上聚星堂落落晨星已十霜方叔才名叢桂盛還山

李侯佳句荔枝香芥須每期竹帛同高密未許登臨少孟陽

執友幾人君又去二毛爭不老潘郎

嶺南曾借宓琴鳴尊大父奕葉傳書清白聲不獨靈聰如

叔寶兼聞經術比立成誰甘碌碌稱餘子最喜錚錚有二

丁謂先生與九公也荆樹棠華同萎絕無因竝轡入神京時有訪求隱逸

之九公亦明經需次

自是封侯骨相殊飽餐霜雪歷崎嶇誰傳阿堵真能手足

抵雲臺幾丈夫便腹一圍儲史籍寒芒三尺照髭鬚呼君

或恐君猶出笙鶴歸來過酒罇先生有小影絕肖嘗命余題其上

季布程嬰憶昔年一時友諒許誰賢力扶孤稚金傾橐欲

報仇讐劔倚天世亂避人辭束帛先朝末曾膺徵辟不往家貧授子

只空羶憐孀婦病歸鞭晚問疾猶遺藥裹錢

彩毫又折夢中花說向慈幃也嘆嗟曾為栢舟推晚節更

將松幹寫槎牙盛稱彤管從無敵細數維桑亦有涯先生嘗評

桐圍秀詩首推吾母松聲閣集又有重葺松聲閣詩安得丹鉛資鼓吹與君縱目攬

菁華時余將輯龍眠風雅授梓

每信斯人必後傳文章風骨邁前賢高陽一里年皆壽髦

耄雙親胎是仙尊公年八十二太母今秋稱九十尚擬尊開香閣下却教

淚墮總帷前悲來豈獨兄兼母大有哀聲在市廛

龔山野死計纔通又哭先生秋雨中處士星驚同日隕延

津劍訝一時空陶潛可惜無通子龔山先生無嗣明允猶欣有長

公謂田公也記取他年傳隱逸有兒書奏建章宮

骨肉凋零易感傷頻年春夢冷池塘翔之倬生九公相繼歿金銀錯

覓殤兒路繡榻愁窺織女筐先生昨歲有愛姬少子之痛執紼幾番嘆

鬼伯搥床今又怨巫陽惟餘白首糟糠在哭向靈幃幾斷

腸

謝庭玉樹足琳琅身後令人想義方負郭良田先業在名

山石室父書藏麻衣苦塊爭觀禮血淚華庚欲補亡昨日

偶從東閣過倍憐最小一兒郎

私謚雖然故舊情肯同朝議等棋枰須如月旦評常定猶

恐春秋法未精貞節得名由太守文中上號是門生報君

兩字懸幽碣直道於今尚可行同人公議私謚文任先生輿情僉協

壽黃雲鑣七十

投老逾教世味忘繩床獨坐禮空王繡成金粟三生夢飯

罷伊蒲一炷香暇日鯉庭嘗授簡新年鴻案共傳觴知君

靜悟無生學免率天中歲月長

欠韻寄壽楊士佳六十

憶到青門高士家于今投刺可盈車文章久已傳亭草姓

字何須傍榜花避世著書惟木榻當階種樹盡蘭芽好將

甲子從頭紀莫遣繁霜上鬢華

美人午睡次韻

日長人倦倚簾櫳
拚取雲鬟片刻髮
斜覆錦衾如半臂
稍開羅帳露雙紅
枕痕印面微生暈
花影當窻却正中
下得牙床猶凭立
茶烟噴不起松風

紫牡丹花開有懷顛厓次還山韻

春深三月牡丹期
凭立花前想昔時
濁酒取澆初放蕊
雕欄教護最繁枝
滴殘朝露千行淚
苦憶長城五字詩
顛厓曾賦

紫牡丹五言十首 一自園林無展齒
東風不怨到來遲

寥寥數子指心期
君與方干李伯時
別業可憐封薛徑
好春不共賞花枝
尋芳有約稀遊伴
授簡無心賦艷詩
獨向芙蓉主淡院
秋風誰與慰衰遲

秦虞桓招同齊子念修方甥當時集潭影堂賦贈

潦倒名場祇自知
少年同學半台司
花前命酒延賓日
燈下論文課子時
兩箇草亭消歲月
一簾潭影照鬚眉
閒來細數從游伴
風雨飄零重所思

句曲分携十七年
五人今得幾人全
記甲午秋虞桓與許子石疏李子秀方

子并公暨予同遊句曲今許李方俱謝世矣
孝標深爲諸孤慮
虞桓爲言許李諸孤歛歎久之

阿士猶蒙父執憐
井公子嘗時予甥也
花欲辭春偏爛熳
酒因話舊

倍纏綿他時此會勞
追憶芍藥欄邊雨後筵

送王學博以艱還里
先生以石埭量移吾桐

陵陽講席琢群英
携得春風花滿城
牒進總無干祿意
廬

居剛愜遂初情

先生未至桐卽有乞休之請

裘披五月瓊原冷權入三

江橐本輕回首舊時絃誦地幾人不媿鄭康成

雨中手錄鄉先輩詩還山以詩見贈次韻奉酬

姚生詩傳海內知將梓忽輟吾滋疑

姚經三有龍眠詩傳之刻不果予更爲廣

蒐安忍斗邊勃宰氣仍如爨下焦枯時乘此雨天恣冥討

鼓我餘勇來新詩集成長跼乞立晏碧眼爛爛今波斯

次前韻再呈還山

桐音舉世少人知欲闡幽芳竊自疑古調賴君能共賞前

賢應恨不同時維桑湮沒伊誰責汗簡焜煌豈獨詩倘肯

一人成一傳虞山風烈亦如斯

錢虞山列朝詩選各有小傳

雨中再次前韻懷李芥須村居

李生踈放幾人知老至猶招俗眼疑一榻琴書容膝處四

山烟霧皺眉時溝塍屢漲難穿屐屋漏纔乾且賦詩料爾

素堅高卧節雨天何必不如斯

雨中再次前韻懷張夢敦皖上

姓字爭從蒞榜知君身仙骨復何疑泣殘草土廬居後夢

入花磚寓直時滾滾江流懷古意瀟瀟風雨贈人詩

用李涉皖

事酒闌若及垂綸客莫說吾儕有項斯

曝亡妻故衣潛然久之感賦

茜紅衫子畫羅裙曝向空庭雨後暄紫玉絛環尋不見黃

金紐扣折猶存香殘尚帶薰爐馥粉褪惟餘舉案痕記得
裁成還懶著牛衣鎮日淚偷吞

將之京師次方還山見送韻卽用畱別

江湖散髮任高眠底獻甘泉賦一篇驥足未容轅下老鶯
聲早占上林先纔浮栢葉傾來酒不待楊枝拗作鞭我有
郇模三十字抗言難到 至尊前

燕臺此去足風塵新決黃河早問津雪洗湖山春色淨路
穿齊魯舊遊頻虞翻倘得逢知己阮籍何曾妄笑人獨惜

炊屨無令妹辭家不覺淚盈巾

還山予
內兄也

竹溪春水漸潺湲輸爾分題伴客攀鸞鏡雖然塵畧掃蛾

眉久矣筆投閒

來詩云又手客離黃絹
冷画眉郎去綠窻閒

伏生老去尋辭闕

陶令歸來便買山煩語諸君畱片席共傳詩句到人間

又向花前別筍輿半生萍泛少家居蹉跎幕府常懷槩跼

踏王門屢曳裾自是吹竽儒術拙非關結網 聖朝踈此

行小草君知我回首南闈九上書

漫說文章第一流長安冠蓋孰先游親衰空抱慈烏愧兒
病兼懷舐犢憂預恐今年逢儉歲早期歸日及新秋還家
贖有庭闈樂莫問黃金與敝裘

也知宦海似魚竿需次空彈貢禹冠一卷圖書同敝帚卅
年鬚髮老長干又衝風雪揮鞭去重過河山掩淚看從此

木里集二十一
鶴鳴誰歎息傷心不獨路行難

曾耽佳句紀臨雍賣賦誰為薦李邕風雨懷人孤館夜泥
塗驅馬禁城中題門安敢當先輩懷刺還思訪雅宗聞道
小侯俱入學河汾到處有王通

方干抱膝諷丹經搖筆風霜特有靈松菊喜還元亮徑先生

四松別業于今春贖歸乾坤爭看杜陵亭還青斯聲入夏耽長晝自號

斯窩嶽色逢春未了青又號嶽歸日為君譜笙霍老人星

傍少微星先生以季夏舉七十計其時予亦歸矣

墨莊詩為王近微先生賦

脫却朝衫不記年年自種墨莊田將軍楯鼻猶多事內

史濡頭獨有緣老屋數椽先澤遠異書百卷主恩偏前身

合是王摩詰詩畫叢中坐鞦韆

戲咏石鞋盃

誰把瓊瑤作意鑄等閒琢就錦雙纏移來天上初弦月捧
出池中兩瓣蓮且共蟹螯分手執免教鴉襪礙人憐幾回
珍重頻看取只合孤床伴醉眠

江州贈劉淑甫權部

幾載前還粵海裝公以嶺南守內召至今花憶舊時香雲曹屢著

郎官績由戶部轉刑部星野俄分使客光估舶千帆來楚澤江流

九派出潯陽知君裕國饒奇筭定有功名紀太常

贈連城從弟新昏

沙棠歸櫂桂香時
雪咽鸞簫始及期
醮酒應憐無父命
驛梅須急報慈幃
傳聞謝女能吟絮
莫學張郎祇畫眉
早晚粧臺花筆暇
好揮博議與人知

江州懷古

細雨孤帆早泊舟
風吹蘆葦一江秋
柴桑有路人誰到
湓浦無情水自流
黃菊花逢何處酒
青衫淚漬昔年愁
可憐雲霧層層見
千古匡廬在上頭

壬子元日

浮生又伴物華新
雨雪飄飄闇向晨
路滑定知無過客
年和須急慰農人
粧臺鏡冷三春影
綵袖衣霑隔歲塵
畢竟閒居堪養拙
長安何事逐蹄輪

咏春草

萋萋新綠忽平階
早逗春光動客懷
花尚未開來戲蝶
雨纔過去有鳴蛙
郎君走馬調金勒
女伴邀人鬪寶釵
我亦歸謀辦壺榼
隔年結束踏青鞵

聞余振千病懷之

說來貧病已心酸
老去愁腸肯暫寬
薄有田租完稅盡
竟無藥直覓醫難
平生不肯因人熱
今日方知如此寒
怕向荒村重問訊
卅年朋舊總凋殘

孟行之招飲以詩見投次韻奉畬

老大催人失壯圖逢君意氣託冰壺何期馮鉞歌魚日恰
有楊亭問字徒千古今猶傳二陸謂行之昆仲廿年前已噪三
吳酒杯若愛清狂客落帽風流興未孤

鍾思可明府招同周岐公孟行之過集亦次前韻見

投仍用賦贈

赤縣曾披鄭俠圖

鍾曾宰河間

歸田何處覓蓬壺昇輿粟里非

無酒結社香山尙有徒史筆自然推美錦微才或恐圻天

吳

時予修陽穀縣志

賞音况遇叅軍輩得一鍾期已不孤

寄吳五崖比部司權臨清

鄉里衣冠尺五天清郎雅望重時賢祥刑已茁園扉草典
計還添少府錢樞署心勞籌午夜講堂人靜憶當年因君

忽觸童烏痛說到侯芭亦黯然

亡兒仁樹出吳門

小至日旅次獨酌次韻和孟行之

爐灰撥盡聽殘更小立空庭念友聲到處有人同擊鉢誰
家待月獨彈箏未吹葭管春先動暫卧梅花夢亦清濁酒
不妨拚一醉可知無婦諫劉伶

哭齊古愚墓示外甥張若湛方將

文章憎命孰如君問向青天天弗聞忍以無兒酬伯道更
將不第蹴劉蕢一杯幸傍朱公墓

塚與漢大司農朱公墓隣斗酒誰澆

白傅墳

香山墓過客輒醉酒墓前土為之潭

哭罷殷勤呼二子可知房杜出

河汾

唐宰相房玄齡杜如晦皆出文中子之門

三月十八日懷仁樾定遠道中苦雨計此日可抵沙

澗矣次母氏韻

何況千山與萬山堦前瀑布亦潺潺久諧作客沿途苦始

覺家居計日閒水漲草橋無驛路霧迷沙澗失河灣

草橋沙澗

皆定遠地名

今宵好是停驂處早遣平安一騎還

哭與疎禪師

廿年前見爾南歸手翦荆榛啓破扉貝葉勤翻編欲絕松
條親插樹成圍寒鑪尚藝初傳火短桁猶懸未補衣不分

刹竿今忽倒鷹阿堂上失皈依

二老風流好論文忽驚臘盡痛離群譚經不灑天邊雨洗

鉢空歸澗口雲龕室在時常入定佛聲寂後尚如聞金陵

亦有三生石一笑何因再見君

師有白下再生之語

贈長言僧仍次哭與公韻

汝師得道已西歸憐汝啣哀靜掩扉經卷好留千帙架樵

蘇力護萬松圍休思託鉢尋精舍莫想拈花付法衣欲報

師恩惟苦行大羅門戶是真依

東坡詩人生何處是真依

北山一席久移文獨坐常懷猿雀群寶殿須添新斃瓦柴

扉還對舊溪雲薄田早把犁鋤熟空谷勤將梵唄聞誰為

本師營塔院遠公門下獨看君

雨不止再用母氏前韻懷仁樾

又見烟雲翳曉山隔城遙聽水潺潺皆除不改經旬濕簷
溜何曾半日閒風伯居然摧玉壘天公真欲瀉銀灣漫言
長路愁泥淖咫尺隣家斷往還

赤鸚鵡和陳默公任克家

天南翠羽到人間誰染臙脂色倍殷賦擬天桃曾獨步用謝

莊賦歌翻朱鷺總堪刪呼來執拂雙鬟應用紅拂事歸去明霞

一縷還用紅線事饒爾自矜聰慧甚可知命薄是紅顏

曾揮血淚灑羅裳隴口雙雙憶上皇教曲須拋紅豆記誦

經先放赤毫光蚤餐勾病來炎海濃著樞裙閉後房周樂天詩

中語借問漢宮誰最妬綠衣使者雪衣娘

亡荆忌日

西風又斷別離腸冷落空箱少舊裳今日若存應更謫五
年不見似初亡未知堂斧能同穴尙恐兵戈徙異鄉季子
就婚中子出惟餘老淚獨成行

客座中有詢予狹斜舊遊者賦此荅之

年少懽場每易嗔少時多有酒過獨憐阿寄待予真預防婪尾教

逃酒私檢纏頭託贖身別袂重牽衣尙濕予已別去將挂帆復往視之正

伏枕封書未達字猶頻別後予寓書未達寄已遺錦字與數幅五六年後音問猶未絕

君細數青樓舊畢竟生平負此人

九日觀獲山莊

風微霜厚少征塵且向荒村訪比隣有意登高翻似俗無
錢買菊是真貧羽馳官道頻聞警馬蹂秋田未薦新哭罷
老農旋拭淚不知今日度芳辰

次韻答默公九日無菊見柬之作

莫向荒園怨未開三春花種不曾栽虛疑泛菊閒居好却
爲催租冒雨回歲歉總無田舍樂唐錢起有九日田舍詩家貧安得
舊年醅歸來庭桂香重放也當籬邊一把杯

寄六登吳旦門明府

不夜城頭竹馬初吳公治行近何如好從海市占雲氣更
上之罍訪石書才子縣中花繞郭稻孫樓上雨隨車吳須人
屏風御座淋漓墨定爲循良譜玉除

贈內人

嫁得黔婁事事乖何曾一日放愁懷衣縫紫鳳添寒線酒
貫黃鑪抵舊釵病裏舖糜聊代藥堂前嘗饌只茹齋怪予
對客多臧否試聽卿言亦復佳

爲錢祝西催粧

街鼓纔清雪後塵七香車擁百花新錢郎大曆推才子趙
女郎鄴號美人新婦趙氏恰有梅華堪點額可無柳絮共吟春

粧成不自描眉黛只愛湘靈筆有神

幼兒仁樾久贅京邸詩以寄之

一月頻開數紙書如何無計說歸與雖聞鴻案宜家穩却
恐羊機勸學踈小縣時時馳羽檄大兵處處輟犁鋤可知
王母思孫意不爲含飴日倚閭

陳大匡壻客瀟山

少霜月坐寒燈憶爾衝風獨擔簷譜散先從隣邑訪峰

高偏趁雪天登

時訪宗譜于瀟兼遊天柱

愁聞官路千群馬新識名山

幾箇僧買得琉璃八尺否北窻預想瑩如冰

曾屬爲購簾

乙卯元日

雪花暗逗草堂春後飲屠蘇第二人何日編成長慶集餘
生求作太平民三軍若罷那須捷八口無饑敢怨貧且喜
薊門歸子婦今年贏得向禽身

時已遣伴入都迎子婦還里

寄贈楊欽四郡鄆

暫勞卓魯出分符西望邯山古趙都傳檄雖然當驛路催
科猶幸少官逋解圍公子旌旗散僭號王郎壁壘無自是
太平需悃幅仕途何必執金吾

贈李邑侯燦章

隴西家世本鳴珂且借鸞凰下薜蘿朱邑祠前遺愛在陶
公亭畔惜陰多椎牛享士軍聲壯買犢歸農歲序和佇望

河陽花滿縣肯容君對舊松哦

李以少府即真

九日以詩代書招陳越樓陳問齋姚彥昭見過看菊

今年租稅先秋畢待到重陽少吏催園叟賣花多轉艷草

堂叢桂落猶開名山祇耐看圖繪

王安節時以画見寄

世事何妨付

酒杯恰有新篘剛漉罷芳時不肯獨登臺

署沼白蓮爲石埭姚六康明府賦

二首

鶴靜風來荀令香亭亭清影邨紅粧朝天素面顏如玉貼地銀花夜有光結社漫邀緇侶聽經肯喚雪衣娘遙知儉府饒酬唱不帶芳根返洛陽

九華如削俯江鄉移入芳池生午涼幾瓣清香花似水全

拖縞素電爲裳玉簪不用馮夷捧粉面何須太液傍他日趨朝撤銀燭冰心一片在河陽

除夕次韻答綏人

休言明日歲華新賒得東風已浹旬周甲何期纔抱子同

庚恰喜又生申

綏人生乙卯今六十矣子亦乙卯生

貧無活計愁逢臘老

愛陽和易入春却憶荆湘喧戰鼓一門權聚幾何人

丙辰元日次韻答綏人

相憐莫歎白頭新且向書堂寄此身歲月也知隨萸莢交情誰不改松筠屠蘇飲後年逾老爆竹聲稀俗漸貧點檢一春渾底事全憑佳句語驚人

姚注若以入山詩索和兼惠新茗次韻寄答

雨後泉如淥水琴羨君聽去坐濃陰欲遊名嶽原難徧外孫

崇修時方完室但入青山不用淡寄到茶香兼色味種成竹樹兩

園林城中茲園山中桃花洞皆勝境桃源只在人間世漁父何曾著意尋

為友人納姬催粧

香飄金屋鈿車迎絕代風流已目成誰把才人嫁廝養從

來名士悅傾城輕調鳳管翻新曲暗疊鸞箋署小名料得

夜闌涼月上枕邊私語便卿卿

蔣素書以詩見贈次韻寄答

老逐名真潦倒餘閒情祇合伴樵漁逢年空抱王門瑟乞

食誰貽舍魚彭澤官無八十日虞卿窮有一編書怪君

猶撥寒灰火夢斷春明久索居

射蛟臺畔絳帷垂談罷經書好賦詩讀史君能用我法素書

有讀史偶咏逢人休問彼何誰訾譽一任雌黃口著述應乘健

壯時似我頭顱還自厭市兒按劍不須悲

寄贈周雨郇兼以拙稿就正屬序

十年夢憶向山春開卷何時不飲醇家住鳳臺常弔古手

繡蠹簡竟忘貧千秋片席今誰主五字長城代有人雨郇

代五言詩更欲憑君按石室焦桐莫惜表先民子輯龍眠風雅蒙見

錄采

百遍吟求隻字安，衰年猶未老波瀾。敢云孔雀矜華羽，祇學蠅螟愛轉丸。傖父賦須爲世重，思王文亦儘人彈。譬如奏曲非無誤，博得周郎一顧難。

王甓亭聞拙集授梓惠寄刊資賦以志謝

平生只愛苦吟詩，格律歌行聊自怡。梨棗雖逃投河厄，縹

緗猶惜覆瓿遲。遠勞分俸貽陳著，時爲陽穀令幾度逢人說項

斯。甓亭向愛予詩常爲稱誦何似西川王錄事，雨中不寄草堂資。

聞何辯齋先生十日舉子孫喜賦

一門十日喜頻加，兩報名駒產渥洼。孔釋齊來自天上，熊

羆分夢。君家編繹舊賜交，龍錦湯餅新看並。蒂花轉憶

步兵，見倍弱蕙長蘭芽。長公大春予從叔，薪孫之次婿也。

弼士歸自白門爲誦辯齋志喜詩依韻奉和

年少於君三抱孫，予時有三孫衰女敢比高門佳兒連璧俱。

繩祖冢婦持羹我，秦昆相府自應生。鳳鶯舅家遠莫饋雞

豚，桑蓬恰挂長筵側。堂上雙星壽有源，太翁蓉庵先生八十偕壽方啟長筵


寄贈吳燕公絳縣

曾向邊關飽雪霜，錦囊留得種花方。廉泉可飲惟桑落，世

路經嘗比太行。聞道民謠無疾苦，佇看內詔獎循良。雖然

琴瑟多年冷紅袖，何妨拂印牀。

善地分符可自由，羨君官近古唐州。萊蕪釜冷猶留弟，渤



P22 下半葉後缺

